

+H
 corpus: ReF.RUB
 language-area: südrheinfränkisch
 language-region: westmitteldeutsch
 language-type: mitteldeutsch
 genre: P
 medium: Handschrift
 time: 15,2
 reference: Hs.: Blatt (r/v), Kolumne (a/b), Zeile
 corpus-signle: F220, III-Cd-P1, H
 text: Pontus und Sidonia in der Verdeutschung eines Ungenannten aus dem 15. Jahrhundert
 text-author: -
 text-type: UN, Epik
 assignment_quality: Z2
 hoffmann_wetter_nr: 1081
 library: Bayerische Staatsbibliothek, München
 library-shelfmark: cgm 577
 date: 2. H., 15. Jhd.
 place: -
 text-place: -
 printer: -
 edition: Karin Schneider (Hg.), Pontus und Sidonia in der Verdeutschung eines Ungenannten aus dem 15. Jahrhundert (Texte des späten Mittelalters 14), Berlin 1961.
 size: -
 language: fnhd
 literature: -
 notes-transcription: {i} und {i} vorhanden; \{}&1 = Kürzungszeichen ab 64ra,04, das entweder {e} oder {en} kürzt (nicht von Schneider übernommen); prüfen: {y:} oder {ij} (bei Schneider: {y}), {I} und {J}), überhöhte Minuskeln
 abbr_ddd: PonSid
 extent: FnhdC: -; compl: 001ra,01-012ra,07 (6-28); 061ra,08-72rb,25 (126-148); 120ra,13-131ra,25 (244-266)
 extent-size: FnhdC: -; compl: -
 @H

F220-001ra,01	DIs ist ein edel ysto
F220-001ra,02	rie von schoner abenturen da Junge lute vil guts auch gutter exmpele Inn finden vnd auch leren
mogent want warumb die Jungen soltent auch gerne horen vnd vernemen die werck vnd geschicht der alten want wir	
lesen das die alten habent inn irn zyten vil liebe getragen vnd menlich tatt be	
F220-001ra,03	wyst / vnd getreben vnd nach groÿen eren gestanden vnd erwor
F220-001ra,04	ben hant In Irn tagen Davon sich ein Junger edel man wol bes
F220-001ra,05	sern solt der anders willen hett wol zu thun ob er davon hort / sagen oder lessen Diese hystorie
sagt vnd erzelt vns von eynen Jungen man dem zylich vil vnwilles verdrieselich ist be	
F220-001ra,06	gegent / von der myne vnd an
F220-001ra,07	dern lyden als ir horen werdent / ES was ein konig in gal
F220-001ra,08	lissen lant hieß tybor der hate ein eliche frauwe die was swester des konigs von arragon Sie was ein
frauwe von gutten leben vnd heylig In Irn wercken Es gefiel das vnser heer got / hatte den zwein beschert vnd geben	
eynen Jungen sone der was genenet pontus das was so schon ein kint von allen dingen als man keins In dem konigrich	
sinen glichenn hette mogen finden Sin vatter der konig Tybor was rich man	
F220-001ra,09	lich milte vnd wyse in synen wercken nu was Inn den ge
F220-001ra,10	tzyden zu Babylonien ein Sol
F220-001ra,11	dane gesessen Der hatte vier sonen Der soldane was vber
F220-001ra,12	masse mechtich von gut vnd auch von luten Der beschiet / zu eyner zyt sin vier sone vff eynen dag
vor sich vnd sprach zu yne liebe sone ich hab et	
F220-001ra,13	was vor mir das ist myn bede begerunge vnd meynung das Ir mir darInne nit legen tra
F220-001ra,14	gen vnd sollichs na myne wil
F220-001ra,15	len verfolgen soltent Sie sprach
F220-001ra,16	en heer das willen wir gern thun was ir gebietent vnd heys
F220-001ra,17	sent Ist vnser wille vnd wol
F220-001ra,18	len darin gehorsam sin nach vnser macht / Da sprach er dwile ir mir gefollig wollent sin So wil ich

uch vorlegen myne meynunge vnd zu ver

F220-001ra,19 sten geben das ist also Se

F220-001ra,20 hent Ir lieben sone Ir dorffent / nit gedenccken das ir yt haben sollent von myne keysertun die zyt ich lebe aber Ir sint Jung starck vnd vollenkomen an lybe vnd an gutter Ritterschafft wol

F220-001ra,21 lent Ir uch arbeiten vnd vol an stellen So mogent ir noch kommen zu grossen dingen vnd darvmb wil ich setzen vnd ordineren den eldesten vnder uch nach myne dode zu haben vnd zu besitzen myn erbe vnd keysertun vnd uwer Jglichen ytze geben vnd bestellen dryssig durent man verwappent mit guttem harnesch wol ertzugt / vnd vß

F220-001ra,22 gericht Darzu schiff golts vnd silbers gnug vnd anders Rats wes ir bedorffent zu swe

F220-001ra,23 rem orlonge vnd Ritterlichen gefert / vnd uch damit vß rusten vff die Cristen zu ziehen vnd die zu betzwingen vnd Inn vnsern glauben zu bringen nach uwer macht vnd sol

F220-001ra,24 lent / diß dru jare an dryben vnd vollen herten willicher vnder uch dan das meyst / erwirbet vnd der mereteyl / lan

F220-001ra,25 des zu sinen henden bynnen den dryen Jaren gewynnen mag soll mir der liebste vnd der werdest sin Vnd wil dan als vorbaß mit yme deylen vnd geben was ich guts habe Sine sone waren jung vnd von groß ein hertzen das yne die Rede wol behagt / vnd Jr iglicher sagt / es were yme lieb vnd begerten nit me vnd wolten dat Inn mit gutten willen gefollig sin vnd name Ir zalle von luten von schiffen vnd anderm Raitt / wie ich das vor ertzalt habe vnd foren also vnd mit der meynunge von Irm vatter den Christenglauben zu uerdrengen zu storn als Ir vor gehort hant / Nv lassen wir die rede von den zwein gebrudern vnd sagen von dem dritten Da er von sinen brudern was geschey

F220-001ra,26 den vnd vff das hoe merr mit / syme folk vnd schiffen komen was Da erhub sich ein groß

F220-001ra,27 er stormwint vnd der wert ein lange zyt mit großer ar

F220-001ra,28 beit Das sie meynten alle zu verderben vnd rieffen an Irn apgott machamet vnd ter

F220-001ra,29 figant wie sie dan geheysen waren Der wint warff sie neben dem lande von yspanien darmit Inn das konigrich von gallissen zu eyner Insely In ein fremde habe nach by die statt Collongue Sie wurffen Ir encker vß als die da meyn

F220-001ra,30 ten zu belyben vnd ruwe zu haben nach irer großer arbeit die sie hatten erlytten Der junge soldane nam ein klein barck vnd satzt sich salb zwentz

F220-001ra,31 igest darIn zu erfarn vnd zu vernemen wo vnd Inn welich ein lande sie hinkomen weren Er fore also mit den synen die er by yme hatte neben dem vber langs dem mere aben mit so lange das yme begegnet eyn michelteyl armer lute vff den lande irn vrbar zu schaffen Sie schiffen balde zu lande vnd fingen die arme lute vnd fragten sie von stont wer oder wan sie weren vnd wem das lant zu gehort Die armen lute warn erschrocken vnd sag

F220-001rb,01 ten yne sie weren Inn dem ko

F220-001rb,02 nigrich von gallissen vnd Ir herre were der konig Tybor nit verre von dannen In der gutten statt collongue mit huß geseß

F220-001rb,03 en da fragten sie an wen sie glaubten Ir antwort wart geben Sie glaubten an den almechti

F220-001rb,04 gen gott vnsern herner Ihesum xpem der waren magt sonen ma

F220-001rb,05 rien der hymelschen konigynnen Da zugen sie von wieder von den zu der angesicht / als wolten sie vsser dem lande vnd das von stont rumen Da der sol

F220-001rb,06 dane zu syme folk qwam da ordinert er zwolff schiff / mit luten vnd gefall yne vor sie solten farn zu der vor benanten statt vnd wie sie sich halten solten als kaufflute vnd gab yne allerley wortzen vnd getru

F220-001rb,07 de auch syden vnd gulden duch er ein mircklich zale vnd be

F220-001rb,08 schiet sie wan sie qwemen zu der statt so solten sie guden kauff geben vnd die nesten herbergen by den porten zu versahan vnd inn zu nemen vnd das sie irn harneschs stetiges vnder irn cleydern tragen verborgen solten vnd des morgens als Is dagen wolt solten sie vff die muren klymen die thorn vnd zynnen von stont ane wieder rede Inn nemen So wolt / er des morgens mit der macht yne ane ver

F220-001rb,09 zog zu helff komen wie der Junge soldane das angeslagen hatte da geschach vnd vollen

F220-001rb,10 ging yne eben nach Irm willen Sie namen die herbergen vnd erstegen die muren vnd behiel

F220-001rb,11 ten die mit macht / so lange daz er yne zu helff qwam wie sie dan davon gescheyden waren Sie hatten Is auch gut zu thun want nyeman deß Inn sorgen was vnd ye man sin recht ge

F220-001rb,12 war mocht werden In der statt / so was Ir wol x durent / vff die muren komen vnd hatten die porten Inngenomen Da sie die statt gewonnen hatten da slugen sie dot wyp vnd kint vnd was yne begegnet / vnd machten betrupten merteller vnd von stont lachten sie sich vor das sloß Der konig Tybor vnd die sin wurden sere erfert vnd stalten sich zu der were das beste sie mochten want der konig selbe ein gut Ritter alle sin tage gewesen was vn wer

F220-001rb,13 te sich so lange sonder das er sich nit gefangen wolt geben mit das er erslagen wart Inn siner eygen statt als Ir wol ver

F220-001rb,14 standen hant wie yme die von den heyden angewonnen was worden das ein großer schade was nachdem als er alle sin ziit wol erkomen waz vnd nach großen eren gelebt / hatte gehabt Da nu leyder die konigynne gesach das Ir heer erslagen statt vnd die burg verlorn was da mocht sie nit betrupter noch truri

F220-001rb,15 er gesin Sie hatte einen alten Cappellane geheysen dydo

- F220-001rb,16 nus den name sie vnd Irn sone pontus mit xiy kynder der herren In dem lande die sie by Irm sone ertzogen hett vnd macht sich von zu eyner posterne hinden zu der burg vßen so sie dan aller heyme
- F220-001rb,17 lichst konde mit eyne Iemer
- F220-001rb,18 lichen betrupten hertzen vnd weynenden augen da Iamer vnd leit / sie hatte nit zur zellen were So lange gingen sie das sie qwamen zu eyner grossen steyn
- F220-001rb,19 rotschen DarInn verbarg sie sich mit Irn kindern vnd dem alten Cappellan der dan Ir schulmeister was gewesen vnd waren also Inn dem berge mit an den dritten tag vngessen vnd vngedruncken Die Jungen kinder twanck der hunger vnd wolten vß den lochern lauffen So was alles der Cappellan vor zu vnd behielt sie mit grosser arbeit vnd angsten Da er sprach zu yne wo soe vß gin
- F220-001rb,20 gen so musten sie alle dot sin also behielt er sie die dry tage Da der vierte tag qwam do begunde sie so sere zu hungern das sie nume en mochten Da sprach der edell pontus meister vs ist besser das wir sterben von der gleven oder dem swertte dan wir vns sunst mit willen solten erhungern So weren wir selber vrkonde vnsers dots vnd ewentlich verlorn want / wir vns selbs gedot hetten wer weiß wie ez noch gan werden wil vns got helffen mir mochten noch mit gros
- F220-001rb,21 ser abenturen dauon komen Der gude alte priester dydong ettwart / yme were hondert / falt lieber hongers zu sterben Dan zu fallen Inn hende der vnglaubigen letzter vnd hey
- F220-001rb,22 den Aber pontus ließ synen meyster Inn großer angst / vnd bebende not / vnd nam zu yme polidus sinen neffen vnd ging mit den andern vß er der hole vnd als balde worde sie gefangen vnd vor den Jun
- F220-001rb,23 gen Soldane borodus gefurt / Der konig fragt sie wer sie vnd wan sie weren wan yne sere verwondert / der großer schonheit / die sie hatten Da antwort pontus vor die ander alle vnd sprach / sie weren gutter armer lute kinder vnd der konig Tybor hatte sie alle vmb gotz willen gehal
- F220-001rb,24 ten vnd gezogen wan sie groß weren worden das sie yme das hetten abe erdienen mogen Der konig borodas fragt sie was dinst sie dem konig Irem heern gethan hetten herre antwort Pontus vnser etliche verhutzen yme sin win
- F220-001rb,25 den Die andern sin falcken et
- F220-001rb,26 liche sin hab ich das Jglicher sin ampt wyst / zu thun wie yme das befallen waz worden Etliche waren In der kamern die andern In dem sale Do sprach borodus wie mogt das wesen man plegt nit / so kostlich Jeger falkener oder kamerling also zu cleyden als Ir gecleit vnd vß bereit sint / nach dem stade als ich uch sehe so dunckt / mich das Ir groß
- F220-001rb,27 er heer ich han uch gesagt / die warheit wir sin kynder der Jeger vnd armer edellute Der konig sprach wer Ir sint / so hant Ir nit an großer schon
- F220-001rb,28 heit gefelt / vnd an wyßlichen reden der Ir vil kint Aber wie dem ist Ir mussent uweren glau
- F220-001rb,29 ben lassen vnd zu vnser glau
- F220-001rb,30 ben komen an den werden mach
- F220-001rb,31 amet / want uwer glaupe ist / faltsche vnd nichts wert / Ich wil uch dan als vil guts thun vnd nie dan uch vor gethan ist worden wo Ir aber des nit thunt vnd dar wieder reddent so wyssent vorware das ich uch thun doten eins bosen dots nu mussent Ir kiesen thussen den beyden welich uch das aller best behagt / Dan dem anders nit mag gesin Vorware sprach pontus vns zu doten habent / Ir wol macht aber vnsern glauben zu laßen vnd den uweren von dem faltschen mach
- F220-001rb,32 amet / zu nemen das stet nit / In uwer macht vns des zu betwingen vnd wir wollen auch vnsern glauben vmb sterbes willen nit laßen oder vbergeben das mogent / Ir wyssen nein sprach der ko
- F220-001va,01 nigist dem nit anders so wil ich uch alle eins bosen tots thun sterben pontus sprach das stunde zu seyme willen In des qwam ein Cristen Ritter zu den Reden Der an sich hatte genomen den glauben von machameten von wiht des dots vnd doch vnsern heern Jhesum vßer den hertzen nye verlassen enwolt Der konig hatte den Ritter zu male liep gewonnen Der ritter ging zu dem konig vnd sprach her der konig Ich wil mich an nemen die kinder thun zu bekeren ist Is uwer wille vnd wollen sie des nit thun vnd gleuben an vnsern großen got / machamet so wil ich sie setzen Inn die manere(,9 Das sie selten darzu komen sollen wieder vnsern glauben zu thun Des sint / sicher Der konig sprachdes bit ich uch vnd gab yme die kinder In so
- F220-001va,02 licher maiße also zu verwaren wan er yme wol getruwet / Da dacht pontus vnd sin ge
- F220-001va,03 sellen das sie alle sterben musten der ritter nam sich der kint / von stont an vnd leit sie hin
- F220-001va,04 weg vnd drauwet yne fint
- F220-001va,05 lich an den lip vir den hey
- F220-001va,06 den Er furte sie Inn sin huß vnd der sie alleyn In ein ka
- F220-001va,07 mer gan zu ursuchen ob sie auch irn glauben vbersehen wol
- F220-001va,08 ten Er sprach zu ynewol her Ir lieben kint / Ir wyssent / nu wol wie der konig uch mir geben hait nu sollent Ir glauben an den heyligen mach
- F220-001va,09 amet / so wil ich uch zu großen eren vnd gude helffen Dan wo Ir des nit mit willen thunt / so sint Ir nit sichers dan des dotis Da ist das wegst Ine zu kiesen als mich beduncket / Da antwort pontus vor die andern /herre

wir wollen das wegst kiesen als ir selbs radent Das ist also Das wir / gott / den heern der reynen megde kint vmb sterbens oder lebens willen numer vber gebenn wollen Das mogent Ir wol wyssen vnd was Ir me dar

F220-001va,10 an legent / das ist arbeit ver

F220-001va,11 lorn Da der Ritter das hort / da was er fro Inn seyme hertzen das sie so starcken glauben tru

F220-001va,12 gen Er fragt sie auch darnach ob sie den tag yt gessen hetten sie anworten yme das sie in vier tagen eßens vnd drinckens nye versuchten Da der er yne von stont gnug geben Die kinder aißen sere wan der hunger hatt yne leyde ge

F220-001va,13 than vnd sprachen vnder sich lassent vns fast essen vns mag doch Inn vnserm leben nit nie werden man wirt vns von stont zu dem dode leyden Da sprach der Edel pontusdas stett alles zu den gnaden gots Ist is sin wille so sterben wir Ist is sin wille so leben wir vnd mag das nit anders sin das sy den heiden lieb ob leyt das weiß ich wol / vnd ist das wir sterben so bitten wir sin gnade das er vns durch sins bittern todts willen gnedig vnd barmhertz

F220-001va,14 ig sin wolle Der ritter hort pontus rede vnd erbarmt yne vssemassen sere vnd hat groß mit liiden mit yne Er dacht / das der knabe noch zu großen dingen komen mocht / solt er sin recht tage vß leben wan er yne schone wyse vnd ver

F220-001va,15 stendig In allen sachen funden hette vnd groß Jamer were ob er so fruwe sterben solt so vil gutter herlicher reden hatt / er von yme gehort / vnd lobte yne zu male sere Inn sinem hertzen Der Ritter ging nuwe schiffe Er det heymelichen das zu richten vnd vil gutter spise darIn dragen vnd nan einen Cristen schiffman Der auch gefangen was gewesen vnd hieß yne Inn das schiffe heymelichen sich verbergen mit vff den morgen / fru leit / er die kinder zu schiff vnd stieß das schiff von landen Er hat / yne den segell vff thun richten vnd sie furen dahin Da sie In das hohe mere qwamen der marner der Inn dem schiff ver

F220-001va,16 borgen lach macht / sich her

F220-001va,17 vor vnd nam das Ruder Inn die hant / Er fragt die kinder wo ir hin stunde da wolt / er sie hin furen Pontus sagt / du myn lieber frunt Dwile dich got zu vnd gefuget hait Des wir sinen gnaden billich alltzyt danack sagen So bit ich dich das du vns wollest foren vff die marck zu flandern wert oder des konigrichs von ffranck

F220-001va,18 rich wellichst die das aller

F220-001va,19 kundigest ist Da sprach der marner das sie vnerschrocken weren sie hetten spise In den schiffe gnug vor eynen ma

F220-001va,20 net / Da merckten sie wie yne der Ritter die spyse des nachtes heymelich In das schiff hette thun dragen Da sprach pontus zu sinen gesellen Myen lieben frunde gan wir alle vff vnser knyewe sitzen vnd sagen dem almechtigen gott / lob vnd danck siner gnaden das er vns so wol vsset der hen

F220-001va,21 de vnser fiande geholffen hait / vnd das er auch dem gutten Ritter der vns her hait geschafft / sin gnade vnd barmhertzikait / mit deyle vnd von siner gutten numer gescheiden wol laßen werden das daten sie von stont / vnd waren tag / vnd nacht In Irm gebede mit großer Innnycheit / Irs hertzen want sie sich keyner hulff mochten versehen son

F220-001va,22 der die allein von got geschickt / worde Nv lassen wir die xiiii kyn

F220-001va,23 der vff dem mere farn vnd sprechen vorbaß von dem Ritter der sie ernert vnd dar gefertiget hette Der Ritter was geheissen patricius der ging wieder zu dem konig / vnd sprach herre ich habe mich wol gerochen an den vnseiligen kindern die an vn

F220-001va,24 sern heern machamet nit glau

F220-001va,25 ben wolten vnd Ie mir ent

F220-001va,26 pholen habent / wie hant Ir mit den gefarn sprach der konig Ich han sie sprach der Ritter gesetzt / in ein alt / zerbrochen lochericht schiff vnd han sie Inn das hohe mere gesant Ich zwiueln nit das sie einen bogen schoß gefarn sin ane erdroncken Ir solt sie numer ine uwer leben lang gesehen Das wol ich wol sprach der konig want mich duchte hint Inn mynen slaff das ich die xiy kinder ge

F220-001va,27 sche In eynen bosche vnd daz schone kint das mir so wyß

F220-001va,28 lich anwort gab wart zu eyn leuwen vnd verslant mich all

F220-001va,29 tzu male das ich sere ersert wart / vnd fast vngemodich dauon worden bin Da sprach pa

F220-001va,30 tritius das sint / nit dan dreu

F220-001va,31 me vnd mellancoly da sollen nit dan alte wybe an gleuben heer ich bin uwer diener vnd man worden Dar vmb bin ich uch schuldich zu Raden das best ob Ir mir anders folgen wollent / Der konig sprach was er eyne dan Raden wolt / Er wolt yme sere gern folgen das da gut were heer sprach patricius Ir sint In eyne lande das Ie hant gewonnen vnd der besten lant / eins ist / das man finden mocht vol rats vnd aller gutter gnugden Ist iß nu das Ir die lute vorbaß doit sla

F220-001va,32 gent / als Ir hant begonnen so belibt das lant vngebuwet / vnd sonder lute Dar vmb ist myn Rait / das Ir yederman laßent / gleuben als er wil Es ist eyn gemeyn sprech wort / Wem sol die mole die da nit enmylt / vnd der oben der da nit en becket / alsus behalt Ir die lude In dein lande die werdent uch dan groß Zins vnd Trybut / geben Dauon Ir der groste herre werdent von der werlt / von gut vnd auch von luten vnd werdent ein herre also vin denyons Dauon die ge

F220-001va,33 fangen die glauben wollent / an machamet last vngheschetzt vnd schetzent die andern mit staden das sie sich vort vnd auch uch ernerer mogent dunt / Ir des nit so wyst das Ir dar an nust hant / vnd sollent ez nerigent kunen bringen Wy mym glauben Ir sagent ware gang enweg sprach der konig / Ich gebe uch sollen gewalt / vnd sucht die gefangen die an vnsern glauben wollent / halten Den wollen wir von dem vnserm geben vnd sere liep haben Die von Irm glauben nit treden wollent / die sollen Jars vns dienen nach Irer macht / vnd wir setzen uch zu eyne Regerer vnd vnser glaub stet vff uch also was dem Rittern sollen gewalt geben vber die gefangen vnd vber das lant Der Ritter endacht anders nit Dan das er es hofft / da mit dar zu bringen das die lute by leben blieben vnd sie erlosen mocht biß das Is besser wurde Er ging zu den gefangen die da sassen vnd schatzte sie vff das aller mynst / er kunde vnd nach Irm gude Vnd vn

F220-001vb,01 der den andern gefangen fant / er des konigs bruder von gallissen Der da greffe waz von desture ein sere ein bie

F220-001vb,02 derman vnd was nerwont an zwein halben Doch nit das yme die wonden zu den leben schaden mochten Der Ritter bekant yne von stont / das es des konigs bruder was er nam yne vsse ge

F220-001vb,03 fengnisse vnd leyt / yne Inn ein kamer heymelich alleyne vnd sprach zu yme heer ir sint / des konigs bruder von gallissen Ich weisi wol das ir groß lieb habent das lant vnd das soll zu erlosen ob ir mochten das dan zu male sere gefallen ist In vnglau

F220-001vb,04 ben als lange mit vnser heer Jhesus xpenus sie erlose mit / siner gnaden Das sage Ich uch Inn glauben den besten Ratt / den wir dar zu erdencken kon

F220-001vb,05 nen das ist also vnd anders nit Da erzalt er yme wie er us angefangen vnd begon

F220-001vb,06 nen vnd vorgenommen hette Da der greffe hort nemen Jhe

F220-001vb,07 sus vnsern heern da wart er sere fro vnd swort er wolt dar zu helffen mit aller siner macht / Myn allerliebster herte sprach der greffe Ich weiß nit ob Ir diese wort redent mich zuursuchen oder zu be

F220-001vb,08 triegen wollent / wolt aber / got / das uwer hertz gedeckt daz uwer mint hait gesprochen so were ich fro Inn myme hertz

F220-001vb,09 en vnd wolt des got yemer danck lob vnd gnade sagen Patricius erzalt/yme da alle sin noit / vnd bewyst yne wie er gefangen was vnd yme hette gegangen auch wie er sich auch mit vorbedachten mude besonnen hette sich vor dem dode zu ernerer / vnd auch da mit zu vnderstanden die Christen die Inn dem stryt gefangen waren vnd die noch yme lande gessen zu erlosen vnd also weren sin gedencke gewesen dar vff ein heyden wor

F220-001vb,10 den vnd druge des Soldans zeichen sunst were er ein gutter Cristen mit hertzen vn alle synen synnen Er ertzalt yme auch wie er die xiij kinder von dem Soldane erlediget / hette vnd wie er sie von yme schickt / vnd sagt yme wie er ez algereyde Dar zu hette bracht / Das yme der solda

F220-001vb,11 ne gewalt hatt geben die ge

F220-001vb,12 fangen vsse gefengnisse zu nemen vnd ein Iglichen by synem glauben laßen vnd sollen dem Soldane Jars zinß vnd tribut geben das duchte yne nu das beste mit vnser heer got / yne besser trost senden vnd zu fugen mocht / Des sie also musten erbeiten . Da der greffe das alles hatt verstan den vnd gehort da viele er von stont / vff sin knyewe vnd danckt got / von gantzen hertz

F220-001vb,13 en das er den Ritter sant Inn dem willen Patricius hup yne von stont vff von der er den vnd vmbfingen sich mit / armen vnd helften sich sere fruntlich mit schrienden augen Vvnd da sie lange geweynett / hetten sprachen sie zu ein an

F220-001vb,14 der vnser herre hett sie also zu samen gefugt das sie die Cristen lute also erlose solten das da were Inn angst des dodes zu sterben Der Ritter sprach myn lieber herre vnd geselle ich denck vnd zwiuel nit vnser lieber heer got sall noch dis lant vnd lute erlo

F220-001vb,15 sen vnd sich dar vber erbar

F220-001vb,16 men so die zyt kompt / wir mußen noch groß noit haben vnd vns sinderlich vnder

F220-001vb,17 sprechen zu ordineten das ge

F220-001vb,18 mein orber vnd gut des ge

F220-001vb,19 meynen folks Ir solt uch ge

F220-001vb,20 trosten vnd zuursten geben vn

F220-001vb,21 geleubich zu wesene Der ko

F220-001vb,22 nig sall das zu male geren haben vnd ich wil ez yme sagen Da sol ich großen danck vertien das wir diß In gots eren vnderstanden vnd thun wollen Da mit der barm

F220-001vb,23 hertziger gnaden gots zu erwarten vnd ich sage uch vor ware myn hertz sagt / mir das die xiij kint / diß lant / noch by Iren zyten ez losen vnd erledigen sallen Der konig hait mir selbs war

F220-001vb,24 tzeichen da von gesagt Der groste vnder den viertzeh kin

F220-001vb,25 dern were zu eyne leuwen wor

F220-001vb,26 den als yne bedocht In synem draume vnd hette den konig / borodus gessen vnd verslunden Der greue antwort des er frau

F220-001vb,27 wet ich mich Inn mynen hertze dan das ist myn neue der Junge pontus vnd myne sone vnser lieber herre got / muß sie Inn siner hutt bewarn bin ich von hertzen begerende Da swuren sie von stont nach den Reden zu

samen liep vnd leit / mit eyn zu liiden sich numer von ein zu scheyden noch be
 F220-001vb,28 geben wes sie dar vmb liiden sollen vnd kusten sich Ir be
 F220-001vb,29 zeichnungen der rechter liebe vnd gesellschaft / Patricius ging zu dem konig vnd sprach heer Ir
 mogent wol dancken / machamet vnserm geweltigen got von der gnaden die er uch tutt war vmb sprach der konig Dar
 vmb sagt / er das der greffe des konigs bruder von gallischen bekert ist / zu vnserm glauben vnd gleubt an den waren
 mach
 F220-001vb,30 amet vnd es ist der greffe von desture Er wil uch gehorsam sin Ich wil yne zu helff nemen vnd
 sollent ime yne zu sture ge
 F220-001vb,31 ben wir wollen uch zu eyne grossen heern machen Inn diesen lande von luten vnd von gutt wir
 wollen samen Er vnd ich Riittern In die stat zu den bur
 F220-001vb,32 gern die Ritterschafft vnd das gemeyn folk versameln die uch vndertenig vnd gehorsan wollen
 weissen sollent Ir zu gnaden nemen die das nit thun wollent / sollen wir piny
 F220-001vb,33 gen das sie fro sin das wir sie zu gnaden vff entphahen wir han vns des vndersprach
 F220-002ra,01 en das wir uch da mit groß gelt zu samen mogen brin
 F220-002ra,02 gen Das Ir sunst / nit vber komen junten Der konig was der meren fro Vnd gab dem greuen die
 gewalt mit dem Ritter Da mitt zug er vß mit syme folk wol vff xxxa manne wie der greffe vnd der Ritter daten Sie
 brachten es so ferre das dem konig vil guts wart / Vnd satzten ein Ierlich Kente vff die lude vnd ließen Iglichen der da
 wolt by syme glauben also hant sie das folk erlost vonn dem dode vnd sint die lude In frieden sitzen by Irm eygen vnd gut
 nu laßen wir den ko
 F220-002ra,03 nig borodus sitzen Inn dem konigreich von gallissen das er behilt wol zwolff Jare lang von rache des
 almechtigen gotz vnd wie das lant heer nach erlost vnd gereyniget / wart / von dem vnglauben der heyden solt Ir wol ver
 F220-002ra,04 nemen vnd komen wieder zu den xiyy kynderen vnd ertzelen wie is den ergan
 F220-002ra,05 gen ist / Eß gefiel von abenturen das die kinde foren zu dem lande von cleynen Britanigen Die
 wynde begonnen zu wegen vnd wunderlichen die vnten des meres starck zu komen das ez gar surglich wart / Da qwam
 ein storm wint / zu lest / vnd warff sie vffz mere by das der fußmer segell krachet / vnd meynten wie sie alle verderben
 solten Sie furen gegen eyne busch zu eyner abdien zu Der wint det yne so leyde vnd die storm des wetters das Ir schiff
 aller zu brach vnd dreiff sie das mere vff ein steinrotsche vnd durch die steinrotsche worden sie erloist des dots vnd da sie
 vff die fels qwamen vnd gesagen das erloist waren Da fielen sie vff Ir knyewe vnd lachten Ir hende zu samen mit ansehen
 gegen dem hie
 F220-002ra,06 mel zu dancken dem almech
 F220-002ra,07 tigen gode das er sie mit syner gewalt beschirmt hette vor dem dode Vnd baten mit Innickheit Irs
 hertzen vnsern herre got das er yne verbaß zu helff vnd trost wolt kon
 F220-002ra,08 men wan ez yne nott dett / vnser herre der aller der Jhene die yne mit gantzen hertzen an ruffent
 nit ver
 F220-002ra,09 gefien wil erscheinet das wol an diesen ellenden ver
 F220-002ra,10 weyseten kyndern als Ir wol horen werdent Inn willich er mai sie vnd von was aben
 F220-002ra,11 turen sie von dannen qwamen Nv gefiele das zu den getznten Regert Inn kleynen Britanigen zu
 male ein fromer Ritter der was genant herlandt vnd was marschalk des konigs haguel von Britanigen Der konig haguel
 was ein alter man Der sin tzyt Inn großer Er
 F220-002ra,12 berkeyt vnd fromekeit her was komen mit zu sinen alten dagen Er hatte ein frauwe die was swester
 des hertzen von normadye Die selbe frauwe gewesen von der gicht vnd ander großen suchten die sie hett befangen Daz
 sie wieder hant noch fuß wol geregen mocht Vnd man must sie heben vnd legen als ein kleynes kint nu hatt der konig
 vnd die ko
 F220-002ra,13 niginne ein dochterlin das hieß Sydonie vnd was die schonste Jungffrawe eyne von allen Britanigen
 von gelaiß von geberden vnd allem weissen das man Ir glich nit ewyst so do togenhafft / vnd follenkön
 F220-002ra,14 men an allen andern tugen den vnd alle freude die der konig Inn der werlt das waz von der dochter
 vnd sunst / von nyemant me nu geschach von abenturen das der herlant des konigs marschalk laget Inn dem selben walde
 das das mere an stieß von sufimer vnd qwam von abenturen Ryten an das ende da das mere sin eppen vnd fluten hette
 gethann vnd In dem ersach er die xiyy kinder vff der steinrutschen sitzen Er rieff yne zu were sie we
 F220-002ra,15 ren vnd wie sie dar vff
 F220-002ra,16 komen weren Sie antwort
 F220-002ra,17 ten yme das were von groß er abenturen geschehen vnd von gots verhengnisse so hette sie das mere
 dar vff ge
 F220-002ra,18 worffen Der marschalk sach das sich das mere hinder zuch Da hiewe er das pert / mit den sporn
 vnd reit zu den kyndern an die steynrut
 F220-002ra,19 sche ye doch ging das mere dannoch dem perde an den buch Dan is nit follen en
 F220-002ra,20 weg was gezogen herlandt nam eynen nach dem andern vnd furt sie heruß Er fragt / sie aber wan
 sie weren Sie sagten yme sie weren vß dem konigreich von gallissen Da sprach der ein von den knaben Der was geheysen

burat / herre dieser Junglinck ist des konigs sone von gallissen vnd der ander isz sin neue vnd er selber ist geheisien pontus So sint die ander alle groß er herren kynder vßer dem knigrich das ich uch vor benant han Da herlandt hort das ez was pontus des konigs sone von gallissen da dett er dem knaben groß ere vnd begonde mancherley zu Reden mit yme vnd wie Jung pontus was so verwondert / den marschalk Das er yme sp wißlichen geantworte konde alles des er yne fragt / Da etzalt er yme wie des soldans sone von Babilonien die stat Collongue gewonnen vnd sinen vatter vnd herren den konig todt geslagen vnd alles das lant verderbt / vnd wie sie entgangen gefangen vnd dar nach Inn das schiff ge

F220-002ra,21 setzt vnd von dannen komen were Da der marschalk verstunt die abenturen von dem konig von gallissen da erbarmet ez yne vsser maissen sere vnd hatt ein groß mit In den mit yme vnd des verderp ? nisse des lants vnd der lude die dar Inn waren wonnende das sie von den bosen heyden ge

F220-002ra,22 weltiget / vnd Regert solten werden Er dett pontus vnd synen gesellen Iglichen ein pert dar zegen vnd hieß sie vff sitzen vnd furt sie zu statt / mit yme ghen Rennes Er ging / zu syme heern dem konig vnd ertzalt yme die sachen wie sye yme dan vorkomen waren Da der konig hort wie ez was gangen vnd der konig von gallissen erslagen von den heyden vnd das die vngeleubigen lute die lant beseßen vnd gewonnen hetten Da was er sere betrupt vnd dreiff großen Jamer das er von hertzen begunde zu weyn

F220-002ra,23 nende vnd clagt den ko

F220-002ra,24 nig gar Jemerlich vnd sprach wie er yme vor zyten groß ere gethan hette vnd vil guts bewyst Inn yspanien da er mit dem konig vonn franckrich In vrlungen ge

F220-002ra,25 wesen were Er sprach daz ez groß schade were vmb de fromen konig / dan ez were der wysete vnd der fromest / Ritter eynder der die werlt hette vnd man die zyt Leben wyst vnd dar zu der war

F220-002ra,26 haffts vnd der schonste eyner von der welt / vnd ich han sonderlichen großen schaden Dauon ich dan von keyme andern landen gehaben mocht / Ich plag alle zyt den weiß vnd frucht diß lants gegen Ire gutten wyne zu verwes

F220-002ra,27 seln also haben wir me fer

F220-002ra,28 lorn Dan man wenet vn

F220-002ra,29 ser herre got wolle noch daz lant erlosen vnd das fro

F220-002ra,30 men konigs sele zu gnaden entphahen vnd dwyle mit got die gnade geben das ich des konigs sone Vnd ander herren Kynder von dem konigrich vß gallyssen han zu mynen henden Das ich got allezyt dancken vnd lop sagen soll So wil ich die selben knaben thun vff ziehen ob sie myns selbs kin

F220-002ra,31 der weren Er sprach zu den marschalk Ich befolle uch vor alle Pontus In sunder

F220-002rb,01 lichen liebe vnd gutten ge

F220-002rb,02 truwen zu bewarn vnd zu behutten als es uwer eygen kint were des glichen schickt er die andern alle zu synen Grauen vnd heern vnd be

F220-002rb,03 fal Iglichem den sinen Inn solicher maisse als Ir gehort / hant vnd batt / sie sunderlich mit großem ernst / Das sie die kinder wolten keren aller

F220-002rb,04 ley togende vnd subtilkeyt / Is weren von Jagen brißen beiß

F220-002rb,05 en von schiessen springen vnd vechten mancherley wer weiß Sprach der koning / wo soe sin her nach bedurffen werden vnd wellicher den synen allerbeste leren thut / Desy wil ich Is allermeyst danck sagen vnd sie solten die kint alle nit lenger dan dru Jare also behalten vnd zu vß gang dryen Jaren sol Ir Iglicher den synen zu hoffe bringen also worden die knaben verschickt vnd ver

F220-002rb,06 geben Inn das konigrich von Brytanigen als Ir gehort haten DEr marschalk nam pontus zu yme vnd dett yme das beste er yemer mocht / Er stalt yme meyster vnd ander die yne alles das lerten das eyne Jungen konigs sone zu behort er was auch selber so gelerig das man we

F220-002rb,07 nig arbeit mit yme haben dorfft / vnd nam zu Inn allen dogen de vnd wart so schone vnd so ein weydelicher Jungeling Das alle die werlt von yme sagt Sin geberde vnd gelaiß hatte nit wandels Sunder

F220-002rb,08 lich wart er wyse das alle die yne kanten verwinderte wo yme die gande her komen mocht / des morgens so er vff gestunt ließ er alle ding geworden Sonder er ging zu der kirchen ye er yt an finge vnd sprach sin gezyde mit gebede vnd hort sin misse mit grosser andacht / Er was follen komen Inn allen sachen gerade des libs wyse am worten vnd an wercken Er konde die schon sie geberde erzeigen die ye gesehen were wart vnd was Inn solicher maiffe das man sin glich nit enwyst vnd das lantfolk des konigrichs von Brytanigen von nyeman mee sagt dan allem von yme Sie sprachen got selbs hett yne von sinen gnaden vsserwelt / Es mocht anders nit sin das ein Junger so vil togent / vnd gnade an yme haben solt / numer en hort man yne hoher swerenn dan Inn guttem glauben Is ist also vnd so er dure sweren solt / so sprach er by got myn lieber frunt ez ist ware Man sach yne zu allen zyten In ey

F220-002rb,09 ner manere ez ginge yme wie ez wolte Er was glich stoltz spilt er yt spils gewan er das was yme eins verlore er das was yme das ander Man hette des halber eynen vnseden an yme konnen vermircken nun

F220-002rb,10 mer me hette er nyemans ver

F220-002rb,11 spot vmb keynerley sach die yme mocht begenen was solt / man me von yme sprechen / dan er nit zu vollen loben was all sache halff er zum bester brin

F220-002rb,12 gen wo er mocht Er sprach dick man soll nit alles des gleu

- F220-002rb,13 ben das man hort sagen Dan das vngericht lest sich ebenn als geringe vnd zu zyten bal
 F220-002rb,14 der reden dan das gerecht wan man die warheit da von ver
 F220-002rb,15 nympt Es ist dannoch bese gnug ob is vbel geriett Wan er hort vff frauwen oder Jung
 F220-002rb,16 frauwen yt sagen das kont er vbel vertragen vnd schickt iß alles zum besten auch was er synen
 obersten so vnderthenig vnd gerhorsam das des glich
 F220-002rb,17 en selten ye vernomen wart / vnd gantz Inn sinen wortenn Das er nit alle welt genomen hette ein
 eynig wort zu sagen das nit ware were gewesen gegen yederman was er bereit sin Cogel abe zu thunde als der mynst /
 vnder yne allen Er geschuff vnd erwarff mit / syne wesen das yne alle die lieff hatten Die von yme horte sagen Ich geswyge
 die yne wol bekanten Schone was er von lybe Breit von schulden vnd mitten small schone lange bey
 F220-002rb,18 ne oben an den diechen gesetzt / vnd geformet als ob man yne wuntschen solt / wol was er gelert
 / Inn den buchern vnd der geschrift / das sin von der maiß was nit glich zu finden von siner gestalt In der Jogent als
 der etell lantzelot / den die frauwe vom lache ertzogen hatte Es ging so vil nuwer meren von yme vff vnd abe Das iß die
 schons Sydonie vernemen wart des konigs dochter von Brytanigen wie man von yme sagt / vnd sin lob were vßgesloßen
 vor allen creaturen an schonheyt vnd an dogenden vnd an manch
 F220-002rb,19 erley dingen zu sinen Jaren das es wonder wer von yme zu ersehen Also das sie groß begerde gewan
 yne zu sehen vnd dacht solt sie yne nit / balde sehen Ir hertze muste Ir zu brechen Inn dem lybe Dwyle sie yne horten so
 hohe erheben vnd Lob geben ob al
 F220-002rb,20 len den da ye von gesagt we
 F220-002rb,21 re worden Sie was auch selbst die schonste Jungffrau gehalten von allem franck
 F220-002rb,22 rich vnd Brytanigen Die nature bringet zu zyten das ein schönes das ander gern an
 F220-002rb,23 sehen wolt / ob iß anders dar
 F220-002rb,24 zu komen mocht So mocht auch dieser Jungffrauwen ge
 F220-002rb,25 schehen sin Nv gefiele zu den zyten das die dru Jare vmb waren vnd man Pontus mit sinen gesellen
 zu hoffe solt bringen Der konig dett / großen hoff vßroffen Den Iungen kyndern zu liebe Er sant Iglichem sin lyberie
 vnd enbot yne das sie komen solten Ein Iglicher bracht den synen wie sie dan yme vor entpholen waren worden Der mar
 F220-002rb,26 schalk bracht den schonen pon
 F220-002rb,27 tus Der herre von Lanalle bracht polidus pontus neuen Der auch zu male schon vnd weidelich was
 Er mocht aber pontus nit glichen Inn keynen dingen der ging vber sie alle als ein lylyde vber ander bluomen Da pontus
 zu hoffe was kon
 F220-002rb,28 men da wart groß gedreng von fremden herren vnd von den luten die von yme horten so vil guts
 vnd schonheit sagen die yne geren gesehen wolten Da die Jungen zum konig waren komen da was er Ir zu male fro vnd
 hieß sie sere fruntlich got zu vor vnd yme dar nach wilkomen sin vnd wunschet yne so vil gutz vnd schonheit als er
 selbs gern haben wolt Der konig entphinck pontus von stont zu hoffte sinde vnd das er yme solt dienen synen wyne zu
 bringen vber dissche vnd des war nemen Die an
 F220-002rb,29 der heern enthalten sin gesellen Inn dem hoffe Der hoff wart groß vnd starck das Inn vil ver
 F220-002rb,30 gangen Iaren so vil gutter lude zu hoffe nye komen waren des konigs dochter hilt auch hoff / doch
 sunderlich mit den landes frauwen vnd Jungffrauwen vßer Britanigen Sydonie hort das alles keyn mere zu hoffe was wan
 zu Reden von dem schonen Pontus Sie lacht sich In eyn finster Inn swere gedencke wie sie Is dar zu bringen mocht / das
 sie pontus solt gesehenn mit fugen Sie wist nit wie sie vß zu wege mocht bringen vor den faltschen kleffern vnd ny
 F220-002rb,31 dern die zu hoffe waren als man der Inn allen hoffen gut deyl finden mach Da sie lan
 F220-002rb,32 ge wyse also Inn gedencken was gewesen Da dett sie holen herlandt den marschalk als balde der
 marschalk komen was entphale sie yme ein schone zelten pert / zu geben vnd zu leyden / dar zu einen musern habich
 den schonsten den sin augen ye gesagen vnd dett yme so fruntlich vn die beste tschir die yme vor ye begegnet von Ir was
 worden Der mar
 F220-002va,01 schalk herlandt verwondert / sich was Is meynt / das er so wol von der frauwen entphan
 F220-002va,02 gen wart vnd dacht wol Inn yme selbs das sie etwas von yme gethan wolt han Dar nach vberlanck
 hube sie an vnd sprach mit großen fugen zu yme herlant / mit ist ge
 F220-002va,03 sagt / uch sy baß erlongen zu ziehen uweren Jungen knaben Den myn heer vatter uch ent
 F220-002va,04 pholen hatt gehabt dan denn andern allen diß landes heern vsser Brytanigen vnd dar vmb ich die
 warheit gern wolt wyssen So bit ich uch das Ir pontus den Ir hant ge
 F220-002va,05 tzogen zu mir her bringen oder schicken wollent / das ich selber moge ersehen ob yme also sy das
 man dauon hait gesagt / Sie sprechent das er sunder
 F220-002va,06 lichen fast wol dantzen vnd mynnetlichen singen konne wir wollen yme gut geselschafft thun vnder
 diesen Jungen Jung
 F220-002va,07 ffern der ich ein michel teyl
 F220-002va,08 lne oben habe sie sollen mit yme gern dantzen vnd singen vnd kurtz wiile machen so sie allerbest
 konnen vnd mogen Der marschalk antwort frau
 F220-002va,09 we wolt Ir yne sehen so wil ich yne uch bringen Ich hoffe das yne nyemant versprechen moge man

wulle yme dan vnrecht thun So gant doch hinweg lieber marschalk sprach / sie vnd bringent yne her das ich moge sehen ob alles das ware ist / das man von yme Inn diesem Lande sagen thut / Herlandt nam vrlop vnde ging von dannen Er was gar ein wyser man vnd be

F220-002va,10 ruffen Ritter vnd was In dem Zwiuel das yne des konigs dochter so schone entphangen vnd gelaßen hette were alles vmb pontus willen bescheen Er bedacht sich wie er yme thun mocht das nit argers da von enqweme zu lest / fant er In yme selbs Das er polidus pontus neuen zu Ir leyden wolt / besehen was der meren were wan er was Inn grossen angsten Das der suße anfanck sunst nit ende nemen solt vnd be

F220-002va,11 dacht das als noch ein beschey

F220-002va,12 den man billich thut / der alle ding zu dem besten ver

F220-002va,13 sorgen vnd bringen wil also nam er polidus mit det hant vnd leyt yne zu der Jungfern Inn Ir gemach Sydonie . was gangen Inn Ir cleydet kamer vnd hatt / mit Ir ge

F220-002va,14 nomen ein Jungffrauwe die was geheysen Elyos die sie zu male lieb vnd sunderlichen getruwen zu Jr hette vor allen den andern Jungfern Sie sagt Elios wie sie groß begerde hette zu sehen den schonen pontus von dem alle die welt so vil wonders sagt so wyt das lant was Sie hatt ein clein finsterlin zu dem wege gan da er her komen solt Sie ging zu der finstern eyne wyse nam sie eyne spiegel In die hant / vnd besach sich gar eben vnd sprach Elios besege mich wol ob mir yt gebrech oder mistee lange dryeben sie zwo das an mit das sie gesagen komen den mar

F220-002va,15 schalk der da bracht polidus sinen neuen er was auch gar schone von lybe vnd gutter geberde das wol an yme zu sehen was vnd zu loben stun

F220-002va,16 de Die Jungffrauwe ging yme entgegen vnd entpfinc yne schone vnd weydelichen Sie nam yne mit der hant / vnd wolt yne by sich thun sitzen Polidus wert sich des vnd sprach Eya etell Jung

F220-002va,17 ffrauwe das were mir keyn ere sonder groß schande das ich by uch solt sitzen Is solt mir groplich verwysen wer

F220-002va,18 den Dar vmb bit ich uwer gnade mich des zu erlaßen war vmb sprach Sydonie sint Ir nit eins konigs sonen als wol als ich bin eins konigs dochter Jungffrauwe mit uweren gnaden ich bin sin nit / wie ist dem sprach sie sint Ir nit das konigs son von gallissen nein ich in tru

F220-002va,19 wen entwort er Ir Ich bin sin nester neue werlich sprach sie Ich want das Ir Is selber warent gewesen wol ir sin nit sint / so dut man uch billich ere Dan ich nit dan alle gut / von uch han horen sagen vnd sie det yme gut tschier so sie best kunde aber sonder zwi

F220-002va,20 uel sie was sere zornig vnd betrupt / das Ir gefelt was an pontus zu komende Sie rieff dem marschalk vnd sprach ey marschalk wie hant ir daz vor uch gehabt / das Ir mit zu gesagt hant Pontus des ko

F220-002va,21 nigs sone von gallissen zu mir zu bringen vnd habent des nit gethan vnd sinen neuen In sin stat sonder mynen wyssen her vff gefurt Ich hette uch solichs nit getruwet des Ir myn gespot solten han was Ir da mit gedenckent kan ich nit gewysen Der marschalk Nv mogent mercken was kurtzweyle heer pontus hett Da er vsser den lande vnd von der ritter

F220-002va,22 schafft / so ellentlich geschey

F220-002va,23 den was Da er groß ere In hett / erworben vnd men

F220-002va,24 lich werck getreben Vnd da er gelaßen Crone ob allen wyben In ingetlichen wyllen by der er sin hertz must laßen blyben Er stont vff dem bort von dem schyff als lan

F220-002va,25 ge das er daz gude lant / nit me kunde gesehen Da er sin freude hett In gelassen vnd alle sin zuursicht / Da fielen yme die trehen von den augen Vnd sprach gebene dyt sistu Brytanigen du edels lant vnd alle die dan In sint vnd die schonst vnd die best / boben alle frauwen vnd Jung

F220-002va,26 frauwen nve en qwam Ich in susset lant Jch sterbe also Das ich sin glich nit finden en sol Sin hertz was yme sere betrupt von siner amy

F220-002va,27 en will die er da hinden ge

F220-002va,28 laßen hett nochtan enthielt er sich sin so er best mocht / vnd satzt sich vsserlich Inn frieden mit der gebere als yme nit en were Sie foren als lange mit das sie vber mere an die habe von antho

F220-002va,29 nien qwamen Da zogen sie vß den schyffen vnd berei

F220-002va,30 ten sich zu lonne wert zu riten NV geschach von abentu

F220-002va,31 ren Das des konigs sone eyner von engellantt Der genant was heinrich Jagt einen wilden eber Der freyßlich groß was vnd der eber begegnet heer pontus an dem wege von vngeschicht / mit ein winde lauffen her pontus fore vort / vnd sprach den hont / an Der wind da er helff entphant / da fiel er In den eber vnd vnder stont yne zu behalten pontus zuckt sin swert vnd traff den wilden eber en mitten vff Den ruck vnd durch hiewe yne mit eyne slage das der eber In zweyteyl dat zu der erden nyeder fiel Der Jung konnig kam zu Rennen vnd hat den slag ersehen Is won

F220-002va,32 dert yne so sere das er sich sin nit getrusten konde wie er den slag mocht han er

F220-002vb,01 zuget also ein groß swin mit eym streich In zwey zu scheyden Er reit zu yme vnd grost yne suberlich vnd gutlich heer pontus danckt / yme sere zuchtelich Der Junge konig sprach heer Ritter Ir hant das swin gefangen Das ist ware heer antwort er Is ist gewiß sprach heerre heinrich Ir hants behalten mit dem schonsten slage Ich wene der sye syt heer adams zyt gesehen wartt Er fragt war er wolt vnd wo er her qweme / ob yme das anders fugt zu sagen so wolt er

Is geren wyssen heer pontus antwort er wolt Is yme gern sagen vnd sprach er hett In vil fremden lan
 F220-002vb,02 den horen sagen vnd loben den stait des konigs von En
 F220-002vb,03 gellant vnd er zwen Junge ritter zu sonen hett von groß ein pryse vnd gutter gesel
 F220-002vb,04 schafft das wolt er selber nu gern gesehen Dar vmb wer er vber mere In diß lant kome vnd vmb
 andern nit heer heinrich mirckt sin wort vnd gesach das er so ein weyde
 F220-002vb,05 licher Ritter was von gestalt vnd von geberden auch von wysen reden Das er meint sinen glichen
 nit finden wer In der werlt Er sprach lie
 F220-002vb,06 ber heer wolt Ir by mir sin Ich wil uch gern behaöten Dan ich bin des konigs sone eyner von dem
 Ir gerett hant / vnd wil uch gutlich thun vnd mit uch deylen was ich guts han heer pontus antwort Das er by yme lieber
 sin wolt Dan by yemant / ander sint / yne abenture also zu yme bracht hette Also reden sie mit ein sprechen mit das
 sie In den hoff qwamen Der konig was gesessen zum essen her heinrich befal von stont / Das man dem fremden ritter
 stallunge gebe vnd slaff / kamern bestellen vnd Dar zu was er bedorfft / Er nam sinen Ritter In die hant vn ging In Ienen
 sale Der ko
 F220-002vb,07 nig groist den sone vnde auch den ritter vnd fragt / den sone wo er Jegaget / hett vnd wer der
 schone Ritter were heer henrich erzalt yme wie er yne hette funden by der wilden suwe Vnd daz er die mit eyne streich
 durch hauwen hette mit syme / swert das sie zu zwein stucken was gelegen Da wart heer pontus wunderliche befehen von
 der abenturen die yme mit dem swyne was wieder
 F220-002vb,08 faren vnd das er also sere schon vnd weydelich was Der sale wart aller vol lute das sich nyeman vor
 den an
 F220-002vb,09 dern gewenden konde alles zu besehen den schonen Jun
 F220-002vb,10 gen Ritter Die frauwen vnd Jungffrauwen gesehen yne an zu wunder Besonder des konigs dochter
 Ein Iglicher sagt das ist zu male ein scho
 F220-002vb,11 ner Ritter Die andern sprach en er ist nit so schone / er ist / noch gnuglicher an zu schau
 F220-002vb,12 wen / vor allen den rittern die ye gesehen worden Man satzt yne zu den Jungffrauwen zum essen
 Er wüst sich vol vnder yne zu halten das er geneme wart / Da die taf
 F220-002vb,13 feln vff gehalten waren Der konig ging vsser dem sale den wilden eber schauwen der zu hauwen was
 Die suwe was so groß als In lan
 F220-002vb,14 ger zyz ye keyn me wart / gesehen vnd lag dort In zweyn stucken verschraden Sehent sprach her
 heinrich zu der konigynnen mit eyne slag hait myn Ritter das swin mit syme swert von ein zerteylet / Wer hait ye keynen
 großern slag ersehen als dieser ist heer pontus kert sich vmb vnd schampt sich zu male sere das man yne so sere det leben
 die Jungen vnd die alten er wart aller Rot / vnder synen augen Der konig vnd die konigynne fragten yne vß was lants er
 were Er ant
 F220-002vb,15 wort yne mit grossen zuchten Das er were geboren vsser Der kronen von frankrich / wie ist uwer
 name sprach der konig heer sagt er man heist mich den vorgeanten vom rechten wege Der ko
 F220-002vb,16 nig fragt yne ob yt nuwes were In dem lande vnd fragt yne sunst / von mancher hand dinge Der
 konig verstont / wol das er yme zu male wyß
 F220-002vb,17 lich nd bescheydentlich ant
 F220-002vb,18 wort / von allem dem das er yne gefragen kunde Das sich der konig sere verwondert Dwyle er so
 Jung / scheyn Er sprach zu der konigynnen vnd zu den andern rittern das er In langer zyt nie mit kenne so wysen Ritter
 gesprochen hette als dieser ist So wol kan er sin wort dar geben vnd gesetzen vorware sprach der konig myn hertz sagt
 mir daz er vil edeller ist dan er spricht / vnd sich vß gibt vnd baß geboren 7c Also was heer pontus lange zyt zu hoffe vnd
 hielt / sich so dogenthafftig so wyß
 F220-002vb,19 lich vnd als erberlich das er sere wert wart gehalten von den hohsten vnd von den ne
 F220-002vb,20 dersten vnd der gantzer ge
 F220-002vb,21 meynen was man anfang mit spiel oder anders das halff er alles dryben / vnd das als fuglich das
 er gen nyemant keynen vndang da mit verdient / heer henrich des konigs sone hat yne zu male wert / Der yne zerst zu
 hoffe bracht / vnd vil lieber dan heer Iohan sinen Broder In keynen dingen hette man nit gehort das er sich selbs gelopt
 oder gerumpt / hett Die meyste hanterunge die er vor hatt das was zu Jagen vnd mit den fogeln zu beyßen Das kont er
 meysterlich vnd wüst sich dar vß zu richten Eyme Iglichen gefiele sin wes
 F220-002vb,22 sen me dan wol Sonderlich hatte er die heylige kirch sere lieb vnd verbuor Er ver
 F220-002vb,23 sumt / keynen tag das er ane messe were Allen dag hort / er messe vnde began dan was er wolt
 neymelich gab er / vil vmb gots willen vnd det vil guts Er det sich mit sy
 F220-002vb,24 me wesen vnd vornemen ließ haben die fremden vnd die heymschen Nv qwam Is vff eynen abent
 das des greffen sone von closer gar ein stoltz er weydelicher vermessen Rit
 F220-002vb,25 ter von großen pryse / Der von yme selbs vil hilde / vnd gebort / sich mit Worten des er vnd her
 heinrich des konigs sone sich vermayssen den stein zu stoissen vor den frauwen Vnd gefiel das er heern heinrich den steyn
 eyn zwer hant hin warff Da trat er von stont zu den frau
 F220-002vb,26 wen vnd rumet sich das er yme entworffen hette vnd macht vil geschreigs Da von her heinrich wart

des zornig vnd versmehet / yme Das er yme entwarff vnd so vil geruchts dar vß gemacht / hette Er qwam zu syme Rit
 F220-002vb,27 ter den vorgeant vnd / clagt yme wie heer Ruprecht gefarn hette vor den frauwen Ich bitte
 uch Lieber vorgeant sprach er das Ir koment / mich verwesen vnd mich rechen / wollten das doch sin geschrey ende
 gewynne Er sprach lie
 F220-002vb,28 ber heer was uch dar In ge
 F220-002vb,29 felt wil ich gern versuchen wan ich nit da mit kan Doch sol ich uwer willen gehor
 F220-002vb,30 sam sin vnd Ir solt alleyn Die schande nit haben Er tratt dar vnd nam den steyn vnd warff zwene
 finger vber das zill Der ander nam den stein weder vnd warff eyne schuch hin vber vnd ging sitzen zün frauwen als er
 meynt nyema vorbaß komen solt / Da sprach heer henrich heer vorgeant / ich beswer uch by der liebsten die Ir vff erden
 hant / vnd schuldig sint aller meyst truwe zu leisten Das Ir werffent den stein so wie Ir mogent / mit uwer krafft / Do er
 hort das er so dure be
 F220-002vb,31 sworn wart Da gedacht er der schonen Sydonigen Die yme dach vnd nacht selten vsset dem
 herten mochte komen Er lachte vnd sprach herre Ir hant mich Dure vnd hoch besworn Dan sere liep hab ich billich vnd
 groß tru
 F220-003ra,01 we bin ich schuldich von recht myner frauwen myner muotter Ja ja sprach Generie des konigs
 dochter her vor
 F220-003ra,02 genant / heer vorgeant vbel stet uch zu gleuben an dem ende Ich habe dar uor daz Ir sin baß weren
 glaubet von einer andern schonen frauwen Dan uwer mutter Die ist nu Jare me alt / als ich wil wenen Er antwort Ir
 Jungfrauwe ich bin so geck vnd plomp vnd so sott das mich nieman liep wil haben vnd wer mich zu halse lut Der hette
 wol Ir
 F220-003ra,03 runge am wege Das weiß got wol sprach sie vnd dacht wolt gott das er mich also liep hette als ich
 yne wol haben wolt Ich gert nit me vff dieser erden Der vor
 F220-003ra,04 genant nam den steyn vnd warff yne mit hulff syner amyen die doch uber mere was sehs groß
 schuwe lanck vber das male Da die frau
 F220-003ra,05 wen vnd Jungfrauwen den großen wurffe ersahen Sie waren zu male sere des ver
 F220-003ra,06 wondert Ruprecht von clo
 F220-003ra,07 sester wart aller schameroit vnd sprach ich bin verwon
 F220-003ra,08 den heer henrich sprach zu heer Ruprecht myn ritter hat / uch entworffen nut enwenig vnd hat
 doch nit so vil ge
 F220-003ra,09 schreigs Dar vmb als Ir hatten Vorgeant war vmb habent Ir des so lange verzogen Den wurff zu
 thun Er sprach heer hett Ir mich nit so sere Dure besworen Ich hett is nit mogen thun Dan ich was nie In dem willen
 heern Rü
 F220-003ra,10 precht zu thun Das yme leit were vnd han ich yne erzor
 F220-003ra,11 net Damit / Des wil ich yme gerner wieder tinen wandt Ir sint myn heer Das ich uch vnderthenig
 vnd gehorsam sol wesen alle die zyt ich by uch bin sunst fugt nit das Ich yman vnderstene salt zu les
 F220-003ra,12 tern oder von mir gelastert / nieman werden souer ich sin vberig magt weißen herte henrich vnd die
 andern ver
 F220-003ra,13 stonden wol die groß oit
 F220-003ra,14 mudikeit vnd vnderthenikeit / an dem vorgent{1} vnd wart / sere darumb gepriesen Da worden
 soie gescheiden vnd her heydrichs swester sprach zu yme Bruder wolt Ir mit / mir vnd diesen frauwen gan In vnser
 gemach spat
 F220-003ra,15 ieren vnd kurtzwile haben uch zu ergetzen Swester sprach er daz ist mir liep / so bringent die
 gesellen vnd den vorgent{1} nit uch dan Sie gingen mit den frau
 F220-003ra,16 wen zu Irer kamern vnd man det dar bringen krut / vnd win Dar nach fingen sie an zu dantzen vnd
 zu sin
 F220-003ra,17 gen vnd frolich zu weißen Sie baden den vorgeant das er auch syngen vnd dantz
 F220-003ra,18 en mit yne wolde / er ver
 F220-003ra,19 sagt Is yne sere guttelich Aber sie liessen nit abe vnd brach
 F220-003ra,20 ten yne mit großer pin vnd arbeit dar zu das er mit / yne dantzen must vnd zu lest ein liet an heben
 vnd singen nu sangk er gar / wol vnd so mit susser stymen das wonder was vnd yme yederman zu gehort so wol lut is Das
 er aber zu won
 F220-003ra,21 der angesegen wart / Da sie ein zyt gedantzten Generie Des konigs dochter nam ein harff vnd spilt
 / vnd bat / den vorgeant Das er auch spielen wolt / er antwort / Das ers nit en kont / So versuch
 F220-003ra,22 ent Is Doch sprach Generie Er must is thun wie vngern er is det / vnd hub an zu harffen so suße
 vnd so schone Das des nie me gehort wort In dem konigrich von keynen man Generie wart sere fro vnd sprach vorgeant
 kun
 F220-003ra,23 dent Ir das vnd habent mir es so lange verhelet In rechten truwen Ir mußent mich es lernen Ich
 konne is uch dan nit erbitten Das ist die ma

- F220-003ra,24 nere die heer pontus hait bracht In Brytanigen mich Dunckt das Irs vmb uwers lieben willen gethan hant / wie ferre Ir von Ir sint / Er / schampt sich einwenig vnd was In gedennen Sie lacht / vnd sprach das hait er vmb Iren willen gethan Er hert generie vnd Ir swester das liet / vnd gab Is yne beschrieben Die dochte
- F220-003ra,25 re kamen zu Irm vatter dem konige vnd sprachen wie der vorgeant yne das liet / geben vnd vff dem hofe gelert hett Is were die manere des gutten pontus der das bracht hett In Britanigen Da must er auch vor dem konige spielen / es ge
- F220-003ra,26 fiele dem konige zu male sere wol Vnd sprach zu sinen doch
- F220-003ra,27 tern sie solten das lernen Der ritter solt es sie wol leren er / kunde is meisterlich vnd allen stat vnd wesen steet / yme wol an was er gebryfft vnd an fahet / Generie saß eins by yme vnd solt sie lernen haif
- F220-003ra,28 fen Sie sprach lieber vor
- F220-003ra,29 genante wolt Ir mir sagen des ich uch fragen Ja geren Jungffrauwe antwort er Ir So bit ich uch zu sagen sprach / sie ob Ir nye frauwe noch Jung
- F220-003ra,30 frauwe In diesem die uch ge
- F220-003rb,01 fall vnd da Ir uwer hertze vff gesatz / han Ir zu willen wesen ob is sin mocht / sagent / mir is Als helff mr got / ich wil uch mit großen tru
- F220-003rb,02 wen dar zu helffen vnd Raden nach myner macht / Er sprach Jungffrauwe groß en dang uwer gnaden zu aller zyt bin ich bedurffen uwer gnaden vnd hulff aber zu diesen dingen ist is nit bot Sie sint mit liep die frauwen vß diesem konig
- F220-003rb,03 rich sonder zwiuel aber son
- F220-003rb,04 derlich zu keyner han ich mich gekert nit / Dan In das ge
- F220-003rb,05 mein wil ich ein gut geselle sin so ich dan best mag Ja sprach sie in das gemein daz ist gut Ist aber keyne die yt forteyls Dar In hait / vor der andern Ja entruwen sprach er sie sint all gut vnd so schone das man sie nit mag vollen prysen aber die liebe vnd der dienst von eynem armen fremden Ritter als ich bin were klein vnd vn
- F220-003rb,06 wert nein sprach sie er ist nit arme Der schonheit hait / dogentlich ist vnd von gutten gelayß als Ir sint vnd beson
- F220-003rb,07 der sich so gehalten kan als Ir thunt / Dan Ir sere wert In kurtzer zyt In diesem ko
- F220-003rb,08 nigrich sint worden Vorwa
- F220-003rb,09 re ich weiß so groß frauwe In diesem konigrich nit / sie solt uwer froher sin Dann villicht Ir Irer werent vnd meynt uwer groß ere zu haben / einen ritter liep zu haben als Ir sint / als Ich dan uon uch gehort han vnd versucht Jungfrauwe sprach er Is ist noch ferre dar zu das ich sy In dem stade oder komen moge als Ir erzalt habent / Dan uch geliept zu spotten eins armen ritters als ich bin Dan kan ich gutlichen wol vertragen nein werlich sprach sie vngern vnd sere node wolt ich uwer spotten oder schympfen In solichen Dingen vorware dan ich sage is mit ernst vnd lie
- F220-003rb,10 ge uch nit dar an Er nan Is vff verschympff vnd slu
- F220-003rb,11 ge Is also hin Er mirckt aber wol was sie meint / er nan sich nit an das er is verstunde vnd hut sich mit der antwort / wan Is yme nit gelegen was yeman vor sin getruwe Sydonige liep zu haben In keynen weg wer sie were hette sie vernomen von eynichem wort Das er Ir vffenbert hette sie were vorbaß mit yme In die Rede gefallen Sie warff Ir wort vff manchen weg Is was aber vergebens Er nam sich nit / an das er is verstunde wye wol das sie yme gnug zu er
- F220-003rb,12 kennen gap wolt er / Is were alles gangen vnd schlecht wer
- F220-003rb,13 den Er gewyst Ir schone ge
- F220-003rb,14 bevde vnd gutlich ansehen vor baß ließ er is nit komen vmb kein Ding er dacht an die er In grossen getrupnisse hinder yme hette vber mere gelas
- F220-003rb,15 sen des konigs dochter vnd auch vil schoner frauwen wol
- F220-003rb,16 ten yne wol geleden han Is was aber vmb keynen Er hilt / sich so wyßlich vnd so redelich das Ir keyn kunde gemircken vor der ander das yt sonders da were Dicke lag er des nachtes In syme bett zu gedennen herwert vnd dar wert was yme des dages vn
- F220-003rb,17 der den frauwen begegnet wer Aber allezyt verleypt er In sy
- F220-003rb,18 me wesen vnd zu besliessen mit syme dencken das er sy
- F220-003rb,19 ner frauwen stet vnd truwe wolt verlyben vnd das nach zur zyt / vmb nyemans willen brechen vnd das was sine / meyst freude Die er mocht / gehalten da mit sin lyden gelichtet wart wan er dacht / das sie des selben auch also sult auch uben vnd yne nit verlaßen vmd nyemans willen ZV den gezyten was groß orloge vnd krieg ge
- F220-003rb,20 wesen tuttschen dem konige von engellant / vnd dem kö
- F220-003rb,21 nig vom Irlant / das hat / lan
- F220-003rb,22 ge In frieden gestanden / Die zyt was nu vmb das ye
- F220-003rb,23 man sich rust zu der were vnd der krieg vff beyden syten wieder an hup zu / sant michels tag Des drit
- F220-003rb,24 ten dags dar nach was der konig von Irlant Ins konigrich von Engellant gezogen mit vil folks vnd die nuwen mer
- F220-003rb,25 en qwamen zu hofe von stont wie die Irschen legen yme lande vnd Diligent was sie betredent vnd

an qwemen Der konig von Engelant / schickt boten vnd brieff vß vnd enbot allen den synen das sie angesicht siner bott
 F220-003rb,26 schafft vff brechen vnd qwe
 F220-003rb,27 men mit harnesch erzugt Den finden widerstant zu thun Der vorgeant fragt her hein
 F220-003rb,28 rich was rechts der konig hett zu orlogen wieder Die Irschen heer heinrich antwort / Das sin vatter
 gut recht hett Das neme er vff sin sele vnd vff sinen angst / Der lesten hinfart yme hette all zyt mit recht gegen dem
 konig von Irlant gnugt / vnd der ander were als hachmudig Das es Is verslagen hett heer sprach der vorgeant / so wil ich
 mit uch ziehen dwyle Ir so hoch nement Das uwer vatter recht hait Sunst aber gotwil so wil ich gegen die Cristen numer
 wappen tra
 F220-003rb,29 gen oder foren mit wyssen Dan wir billich lieber ha
 F220-003rb,30 ben vnser sele dan ein we
 F220-003rb,31 nig kurtzen lebens Dan sie muß han den lone von dem gutten oder von dem bosen wie das
 vertient ist Da ist nit zwiuels an heer heinrich hort das vnd lop yne sere heymelich Inn syme hertzen Er sagt Is den
 vatter der gut gefallen dar an hatt Vnd verwondert yne nach all syme wesen wer er were heer heinrich wist auch nit anders
 Dan sin vatter recht hett Er hette ys yme anders nit zu gesagt / so wert was er yme In syme hertzen Sie zogen vß gegen
 dem konig von Irlant der lag mit / groß er macht zu felde Er hatt ein slosse mit der ge
 F220-003va,01 walt gewinnen Da sin heuptlute worden gewar das die engelschen qwamen gegen sie mit grosser
 macht / vnd vil folks Der konig was ein wyser man vnd ein hart Ritter von guttem anslag vnd macht sinen vff satze Der
 konig von Irlant hatte sehs stryde be
 F220-003va,02 stalt vnd vil folks zu fuß das vsset der acht was / Die engelschen schicktent nit me dan vier bettalgen
 DER greffe von anthony Der ein marschalk was zu engelant forte den ersteb stryt Den andern fort heer heinrich des
 konigs sone / Den Dritten furt her Johan sin broder Den merten fort / Der konig von Carnual eyn stoltzer Ritter vnd
 neue des koniengs von Engellant mit / den gallois Der konig von Irlant hatte me lute zu fuß aber der engelschen was me
 zu Roß Da sie by eyn kamen da ließen sie zu hauff lauffen vnd krischen ein uber die ander so fintlich vnd so erferlich das
 Is wonder was zu horen Sie traffen sich so hartt mit dem ersten anrennen das vil ritter Dar nyeder gestochen wurden Die
 numer weder vff enqwa
 F220-003va,03 men Der greffe von Antho
 F220-003va,04 noy ließ gnug lute In dem strite die er verlor mit dem ersten Da qwamen die an
 F220-003va,05 dern zwo bettalgen zu sla
 F220-003va,06 gen was sie yemer mochten Da der vorgeanten sach daz sin volk hinder sich wart getrieben vnd
 gestoßen von der finde macht das sie zu
 F220-003va,07 Ruck musten wichen Da sprach er heer es ist zyt Das wir vnsern luten zu helff komen dan ich sehe
 das die Irschen den platz behalten vnd die vnsern den begeben müssen Ir sagt ware sprach her heinrich Da liessen sie
 lauffen mit Iren Rossen In den hauffen das sie ynne ge
 F220-003va,08 starcken vnd mit Irm zu farn stachen sie Ir fiel dar neder Da ir glenen waren zu Broich
 F220-003va,09 en Da zugen sie die swert vnd slugen vff die Irschen das is wonder was Das sie mit gewalt musten
 zuRuck
 F220-003va,10 keren vff Ir ander bettalge In dem stryde was der konig von Irlant selbs vnd die besten ritter von
 alle syme lande Da sach man manch
 F220-003va,11 en schonen stich von Den rittern Jostieern vnd manch
 F220-003va,12 en schonen slag slagen mit Den scharffen swerten Durch stahel vnd durch ysen mit In das fleysche
 Der stryt wart scharff vnd engstlich vß der maißen Die bettal
 F220-003va,13 gen qwamen vnlang all zu samen da was groß ge
 F220-003va,14 schrey vnd groß gedone von trompen vnd Basunen vnd von mancher wilder styme vnd trey Die
 spillüte slo
 F220-003va,15 gen die bukel vnd piffen das ein wildes wesen Da wart gesehen Es wart sere Ritterlich vnd menlich
 Da gefochten vnd gestrytten daz mancher biederman sin lyp verloiß das groß schade waz vnd manig gut Ritter ver
 F220-003va,16 wont vnd gelempt / der sin numer me genesen kunde Der vorgeant / gat groß begerde zu Jostern
 ließ Inner lauffen vnd traff einen Riter Der In aller richelichst / ducht / gewappent mitten In den schilt vnd stieß yne mit
 roß vnd alle zu der erden sin gelantz bestont vnd geracht einen andern als er fort farn solt Das er auch dar nyeder must
 fallen Da mit brach sin glene zu stuck
 F220-003va,17 en Da sin glene zu stucken was zu brochen Da lacht er Die hant an das swert vnd slug freißlich
 zu der rechten vnd lincken syten mit aller siner macht Vnd durch slug Den hauffen mit gewalt Er ließ sich sehen vnd
 kennen an allen enden vnd det so wol Das manich man sin wol thun ließ bliben vnd sahen yme zu wonder zu Dan was
 er geracht das mocht nit gestan er slug Is wont oder sunst sere geqwetzt zu der erden Dauor mocht yne nit schumen
 keynerley wappen wie gut sie weren Er durch slug ysen vnd stahel holtz vnd leder mit vff daz bein vnd macht yme gutten
 rume wo er hin wolt / Er bracht is dar zu In kurtzer zyt das sin nyeman erbeiten torst / vnd rumeten yme den weg so gar
 das er hynach nit wist wo me slagen Da er dz gewar wart Do hiewe er dryn wo er sie allerdickst sach vnd schiet / sie von
 ein Is were yne lyp oder leynt das sie nit erwe

- F220-003va,18 ren kunden mit sterck Irs libs oder menige des folks die sie vil hatten Der konig von Irlant hatte wol ersehen waz er den dag getrieben vnd siner Ritter vil neder vnd Dot er
- F220-003va,19 slagen hette vnd den gantzen Da nie geruwet von keyner abenturen yme mocht ge
- F220-003va,20 scheen Is nam yne groß won
- F220-003va,21 der vnd alle sin folk wie eins ritters lip so vil gethun vnd vollen hirten kunde Er sprach lebt dieser ritter lan
- F220-003va,22 ge er Dut mich verliesen alles Das ich han nast dem er so gut Ritter ist vnd nyeman vor yme mag gestan Is sy Ritter oder roß Er nam ein kurtz starck gelene In sin hant vnd ließ zu yme lauffen als Der sich frome vnd versucht wyst In den wappen vnd traff yne In ein syte so hart das er yme einen großen swank an gewan von dem stich den er det vnd newelich zu der erden swas gefallen Der vor
- F220-003va,23 genant verstont wol das Is keyn knabe were Der yme den großen stich hat geben Er dacht das er wenig wur
- F220-003va,24 de gepriesen Der sich nit entwert / zu den noten Er bekant wol das Is der konig selber was vnd yne mit tru
- F220-003va,25 wen gemeint Der konig waz gar kostelich vnd richlich ver
- F220-003va,26 wappent mit / perlin vnd mit edellem gesteins Durch vnd Durch geziemert vnd geleit eyne richen großen heern wol glich Er sprach heer konig Ir hant / mich nit ver
- F220-003va,27 gebens so sere gestochen Ir farrent also genoßen nit hyn
- F220-003va,28 nen ob ich mach Er hub das swert vff vnd slug yne mit großem nyde vnd all siner macht als er neben yme hin wolt farn vff den helm so hart das der ko
- F220-003va,29 nig aller wart verdomelt / vnd nit en wyst ob is dag oder nacht oder wie yme were geschehen vnd fiel vor vff sinen sattel bogen / als Der sich nit mit behelffen kunde Er wolt yne nit me slagen Da er wart / Innen das er sich nit me behelffen kunde off Das er yne nit Dot / ensluge vnd Dacht ob got wilt Is soll nit also ein gutter Ritter von mynet hant sterben da ich Is gewenden mag Der vorgeant begreiff yne mit den schuldern vnd zuckt / yne vsser dem sattelbogen vnd lacht yne vor sich vff sins Roß hals Des er sich nit erwerben kunde vnd fort yne da hin vsser dem stryde als ein wolff der ein schaffe nymet vnd hin weg dinset zu walde Die Irschen meyn
- F220-003va,30 ten Irn konig zu beschuden aber der vorgeant slug so groß slege zu der rechten vnd lincken syten das yme nyeman genechen torst / wer yne be
- F220-003vb,01 rort dem wart ye etwas das er nit sere dorfft loben vnd fort den konig mit ge
- F220-003vb,02 walt vßer dem stryde vnd gab yme lute zu die yne behielten vnd verwaren solten Da de Irschen ge
- F220-003vb,03 war wurden das Ir konig nyeder was gelegen vnd ge
- F220-003vb,04 fangen da truweten sie sich nunmen zu behelffen vnd en wysten nit wie sie sich ent
- F220-003vb,05 schuden solten Sie wurden als gar verzagt da sie an fin
- F220-003vb,06 gen zu fliehen In den walt Vnd wo sie sich truweten zu behalten Vil wart Ir in der flucht erslagen vnd gefangen want sie sich nit en werten Da die engelschen lang hin nach gejagten Da qwamen sie wieder vff den plan vnd begryffen platze des nachst / da zu verlyrben zu ein zeich
- F220-003vb,07 en des sie den stryt hetten gewinnen Vnd jglicher zuch by sinen heubtman vnder syn banner heer heinrich waz zu male fro das sin Ritter der vorgeant / den konig von Irlant / so ritterlich gefan
- F220-003vb,08 gen vnd hin weg gefort hett Das vil Dauon wart gesagt / von beiten syten wie der vor
- F220-003vb,09 genant den stryt mit alle ver
- F220-003vb,10 wonnen mit siner macht vnd kunheit hett Des anders dags qwamen sie fru zu den stetten vnd sloßen die Irschen betwon
- F220-003vb,11 gen hett Die gaben sie von stont wieder vff Irm heern vnden jglicher farre wieder zu huß von stont nu waren die nu
- F220-003vb,12 wen meren zu hofte komen wie der vorgeant den stryt allein gemeystert vnd gewon
- F220-003vb,13 nen Vnd nye were das won
- F220-003vb,14 der gesehen das der hett ge
- F220-003vb,15 drieiben mit gutten detten Der konig vnd die konigynne vnd alle andern erbuten yme groß ere das er sich sin schampt / vnd zu lest / yne sagt hette er gewyst / das man mit yme al
- F220-003vb,16 so vil lebens wolt han ge
- F220-003vb,17 habt zu vnrecht mit der eren Die sie yme alleyn bewysten Er en were nit In den stryt komen wandt manich bieder man da were gewesen Der also wil gethan hett / als er oder merer pryß erworben Is gehort yme nit zu das man yme also vil eren thun solde der er nye verdient hette Inn rechten truwen sprach der ko
- F220-003vb,18 nig wir meynten wol da mit zu thun vnd anders nit Dan Irs wol vertient / hant / Dar nach ging man zu Rade wie man den ko
- F220-003vb,19 nig von Irlant / behalten solt / Der konig sprach der vorge
- F220-003vb,20 nant hait yne so Ritterlich gefangen Das er numer In torn nach In plogh gesetzt soll werden Is sy dan mit syme wyssen vnd gutten willen Der vorgeant / wart dar vmb gefragt / Der antwort Is stun

- F220-003vb,21 de zu des konigs willen want er sin nume were mechtich Doch mit syme rade Ducht yne gut / Das man yme ere dett vnd zu hoffe In dem sale ließ eßen Is qweme her nach doch wol als Is komen solt / vnd zyt were mit yme vor zu nemen nach der geleen
- F220-003vb,22 heit Dis dunckt mich ein gut ratt sprach der konig Sin sone heer heinrich ging nach dem konig von Den Irschen vnd fort yne In den sale Der konig von Irlant was zu male ein gut vnd ein scho
- F220-003vb,23 ner stoltzer Ritter vnd xxx Jaren Er was schone vnd lustlich gecleit Vnd alle sin geberde stunt yme Ritterlich an vnd gebart vnerschrock enlich wie wol er ein gefan
- F220-003vb,24 gen was des konigs Der konig vnd Die konigynne Datten yme groß tschier vmb Des vorgeanten willen der yne gefangen hatte Sie satz
- F220-003vb,25 ten yne zu essen tuschen bey
- F220-003vb,26 de des konigs dochtere Er hilt sich wyßlich mit siner geberde vnd mit sinen worte als yme das wil bezympt vnder den frauwen Der vor
- F220-003vb,27 genant / qwam zu yme vnd sprach heer konig / sint frolich Is mag wol alles besser wer
- F220-003vb,28 den Ir hant / noch schon ge
- F220-003vb,29 fengnisse vnder diesen scho
- F220-003vb,30 nen Jungffrauwen als mich Dunckt Vorware heer vorge
- F220-003vb,31 nant Ist / das mir vnser heer nit ander gefengnisse beschirt / dan diese so mag ich mich Der nyederlage wol frauwen vnd fro sin nach dem essen gingen die Ritter zu den frau
- F220-004ra,01 wen Ir meren mit yne zu sagen vnd kurtzwele zu haben Der vorgeant / qwam zu des konigs jungste dochter vnd sprach wie behagt uch aber der konig vnd Irlant be
- F220-004ra,02 felt er uch wol mocht mir etwas von uch geschenkt werden ich wolt helffen dar zu reden Das man uch zwey zu samen geben wolt / uch daz wol gefallen vnd were dar an danck zu vertienen Ich wolt myn best dar zu thun Wie wol ich zu arm bin zu solichen großen sachen zu reden vnd arme lute hant kleyn styme zu reden vnder mechtigen fursten Ja sprach sie vorgeant hant Ir das so balde verdacht Is were mir sere lieb das ich einen man mocht haben were Is mym heern vatter miner frauwen vnd mutter lieb vnd mynen Brudern / Ob er wol nit / konig oder hertzog sy Das er nit dan were der best ritter von der werlt Das wolt ich wol In guten truwen Das solt Ir wyssen Jungffrauwe sprach er Das were misse
- F220-004ra,03 lich zu finden der best ritter von der werlt Wand manch gut Ritter ist vff ertrich als ich wenen wil Er ver
- F220-004ra,04 stont woll Das sie yne / meint Er nam sich sy nit an vnd rett do von andern sachen Das der reden vergeßen wurden Die frauwen vnd Die Ritter gingen da In einen garten vnd huben an zu spielen schachzabel vnd ander spill Eyn die dantzten die andern Die sunen vnd hatten manch
- F220-004ra,05 er handen freude vndereynan
- F220-004ra,06 der Das wert mit mann slaffen gan solt / DEs morgens frü stont Der konig vff vnd ging zu Rade / by dem konig von engellant was der konig von schotten der sin swester vnd er Iens swester wieder hette zu wybe Dar zu waz der konig von kornual vnd ander vil groß heern vnd ritterschafft / Sie worden zu rade wie man die sache mit den gefangen anfahren solde vnd worden vil wes
- F220-004ra,07 sel wort vnder yne geretten Eyner wolt hie eruß der ander wolt Dort her uß vnd zu lest wart der vor
- F220-004ra,08 genant auch gefragt Der Dan mit Den andern da was gesessen Er antwort yne Das er nit dar In wyst zu reden vnder so vil grossen herren vnd wysen luten dan is durfft wol wysen vnd guten Rats Der konig sprach er must ye das sin auch dar zu Raden vnd sagen vnd wolt yne nit des erlassen Da er must reden Da sprach er Gnediger heer vnd lie
- F220-004ra,09 ben frunde sit das ich ye myn meynunge sagen soll vnd muß als der konig myn heer gehabt wil han so bit ich doch mit zuurgeben als ich dorlich rede nast dem ich ein Iung einfeltiger Ritter bin Der das nit verstat / Die red
- F220-004ra,10 den ich hie gehört habe wil mich nit beduncken Das sie Dienen zu frieden vnd hait man ytz vil gewinnen so mocht man her namals vil dar gegen verliesen als Die abenture das kan bringen Is ist nit der recht glawe als vnser heer gebot Da er sprach Mynt uwer eben cristen ment
- F220-004ra,11 schen als uch selbs vnd da vnser heer got wart geborn da qwamen die engel vnd verkunten das den hirten In dem velde das vnser herre were geborn vnd fort foren sie zu dem hiemel vnd sun
- F220-004ra,12 gen Gloria in exelsis Deo 7c Got haben In den hemely vnd frede den guten luten In der erden Dan wan vn
- F220-004ra,13 ser lieber herre qwam zu sinen distipulen So sprach er also frede sy vnder uch Das reden ich dar vmb gne
- F220-004ra,14 Diget heer hat vnser heer Der almechtige uch gegeben groß konigreich vnd groß herschafft zu regeren Das hait er nit gethan dar vmb das uwer eyner gegen den andern orlogen oder kryegen sol Wan die armen lute wurden dauon zu male ver
- F220-004ra,15 darfft vnd verjagt vnd die heylige kirche zu storet mit dem dinst vnser herren Die Ir sint schuldig

zu halten In frieden vnd zu beschir

F220-004ra,16 men vor den röubern Den Dieben vnd den ketzern Daz wirt nu so wenig angesehen vnd betracht
Das ein Iglich Cristen mentsche solt erbar

F220-004ra,17 men vnd beduren In synem hertzen vnd dar vmb wil ich uch sagen was ich mey

F220-004ra,18 nen das tutschen uch solt / bringen frede vnd liebe vnd uwer beyder landen zu manich

F220-004ra,19 en zyten vnd einigen tage halten In freden vnd farnd wesen zu nutze selen eren libs vnd guts vnd
wolt / mich Dar vmb beduncken wan der konig myn herre Dem konig von Irlant gebe zu einer elichen wybe sin Iungst
dochter vnd da mitt abe gelacht vil forderunge vnd schaden wurden tuschen uwer enstanden Das were ein erlich sune
uwer dochter wol berade vnd nutz des lants als mich bedunckt / Der konig von schotten sprach von stont gebenedyt si
der Der uch hait heissen daz reden vnd erzalen die suessen gut

F220-004ra,20 ten wort Die ich von uch ha

F220-004ra,21 be gehort Die da lange zu freden der lande vnd zu notze Der selen komen Die wort / sint beqweme
vnd In eins Iglichen mentschen oren wol zu horen Das sie vnd allen wol gefallen sollen vnd Der konig befall yme Die
sachen von stont zu enden Sit das er were der Den konig gefangen vnd auch Das geraden vnd das best / fonden hett Da
is Der konig wolt han gehabt / da nam er sich der sachen gern an vnd ging zu dem konig von Irlant vnd rett mit yme
vnd vnderwyst yne In was sweren bedrang vnd schadens er das lant hett bracht vnd mit blut vergeßunge Der ritter vnd
fromer lutte Die nit wieder weren zu bessern vnd erzalt yme wie groß gut / er von got dem heren were wartende Der Da
fried hielt / mit sinen nachborn vnd wie sere manig man verlorn hett mit vbermutt vnd In orlogen Das man wol funde
beschrie

F220-004ra,22 ben In den alten hystorien / Er yme manig benant das ytze nit zyt oder not were zu sagen Vnd
besloß ob er kunde beschaffen das er ane schaden vnd die sine ledig wurden vnd da durch neme des ko

F220-004ra,23 nigs Jungste dochter zu wy

F220-004ra,24 be So ducht yne das yme Das nutzlich vnd erlich were In allen Dingen Der konig bedacht sich ein
wenig vnd sprach ey edeller Ritter vnd der best der da lebt / mogent / Ir das zu bringen vnd ge

F220-004ra,25 schaffen So ist billich daz Das ich uch all myn zyt Dinstbar vnd vnderthenig sy mit allem myme
vermogen Dan Is were die sache Die vor mich vnd myn lant vnd all myns folks kunde wesen zu ewigen Dagen vnd zyten
Das kan ich wol verstan were uch dan das also zu wyllen Ja es In truwen sprach er So last mich mit gewerden sagt der
vorgenant Er qwam wieder zu dem Rade Die sassen der antwort zu war

F220-004ra,26 tend vnd wie Is gan wur

F220-004ra,27 de vnd sagt yne wie er den konig vnderret / vnd yne so schier vnder wist / Das er der sach were ge

F220-004ra,28 fulgig vnd sere fro vnd wols Das also angan vnd vff nemen mit Irer beyder ver

F220-004ra,29 sorgenisse zu dem besten das sie hernach kriegs vnd orlo

F220-004ra,30 gos entragen verlyben solt Da schickt man nach dem konige vnd ließen Das Durch Den bischoff
von tantorls versichern vnd versorgen vber einen manet zu komen Die hoch gezyt zu haben vnd dem nach gan wie man
das be

F220-004ra,31 slossen vnd versichert hatt Also lesen sie den Irschen konig von yne Der rust sich vnd qwam vff
Den ge

F220-004rb,01 nanten Dag nit vil Rittern vnd knechten vnd grosser / zale sins folks gar kostelich vnd richlich Er
schenckt / Dem vorgenanten vj Roß iij hegenet xm nobeln vnd vil kostlicher ducher von gulden stucken vnd wil fut

F220-004rb,02 tere als hermelin zobel vnd mardell des glichen Die hochzyt wert dry Dage mit großen freuden Dar
nach schickt der konig von Irlant / sin hußfrauwe die konigynne zu syme lande mit großen eren vnd herlichen stade Die
wart / nu so erlich von den landt luten entphangen Das won

F220-004rb,03 der were zu sagen Die zyt wad erschienen In das siebende Jare Das der vorgenant In Engel

F220-004rb,04 lant was komen vnd großen lop vnd pryß erworben hett mit menlichen Detten vnd mit grossen
eren sich gehalten Das er liep vnd wert wart allen luten Vnd zu der zyt gefiele dad des Soldans sone Der dritte geheyßen
Car

F220-004rb,05 badon Der syt der zyt Das er von syme vatter gescheiden den Cristen vil lydens vnd vnwillens zu
gefugt / vnd erbotten vil kunigrich try

F220-004rb,06 but abe gedrengt vnd betwon

F220-004rb,07 gen Der qwam nu mit ey

F220-004rb,08 ner großer menige siner lute Der vngleubigen heyden In Das konigrich von Engel

F220-004rb,09 lant wol mit nun hundert schiffen Als dan sin bruder auch beuor komen waren eyner In galissen
Der ander In Britanigen wie vns die abenture das ertzalt hatt / So balde sie an das lant vnd habe waren gestoyßen sant
/ er sin botschafft / Dem konig Das er yme Das lont rumet / von stont vnd sins glaubens verleucken von ihesum xpem
Dan er solt vnd must glaub

F220-004rb,10 ben an machmetten den großen got Der konig vnd all sin folk erschracken des sere nast dem Ine
die botschafft / getan das Irs folks ane zalle vnd uber maß ere Er schickt / zu stunt vß vmb helff / Der konig von schotten
Der ko

F220-004rb,11 nig von Irlant / Der konig von Carnueal vnd der greffe von galois qwamen yme zu helff vnd vol
 ander Ritter vnd knechte die nit all zu nennen sint / Da das here gesamelt / wart vnd by eyn qwamen Da hette man ge
 F220-004rb,12 sehen manchen stoltzen Ritter vnd sariant Der vorgeant vnd die zwen sone des ko
 F220-004rb,13 nigs worden vor geschickt / Den hauffen zuurslagen Vnd sich als dan zu ordinieren als sich geburt /
 Dem konig von Engellant gaben sie die eyn hude mit den schotten Dem konig von Irlant die ander Dem konig vn kor
 F220-004rb,14 nual die dritte Dem greffen von galois die vierte heer Johann des konigs aldest sone die funnfte
 heer heinrich vnd dem vorgeant den sehsten stryt also hatten sie gemacht vnd geordinert / Sehs Stryde vnd die mit
 Rittern besetzt zu aller nottorfft / vnd mit schutzen vnd sarianden vnd waren geacht vff xxxm gewappenter ane fuß lute
 bur
 F220-004rb,15 geer vnd gemeynen folks ließ
 F220-004rb,16 en sie vß der zale DEr konig Carbodon hatt / vernomen Das Die Cristen komen waren vnd mit
 yme stryten wolten Er macht zwolff bettalgen vnd satz Iglicher bettalgen einen heubt man vnd einen gutten Ritter Sie
 waren vssemaissen stoltz vnd hoch
 F220-004rb,17 mudig als die jene die nye verloren hetten vnd allezyt gewonnen War Sie In zwolff Jaren ye bekamen
 / sit sie von Babilonigen vß gezagen wa
 F220-004rb,18 ren Die Cristen zugen zu vnd wurden der heyden ge
 F220-004rb,19 ware Der zu male vil was Das al de felde Da von bedeckt lagen Die Cristen hatten all den tag /
 messe ge
 F220-004rb,20 hort / gebicht / vnd das heyli
 F220-004rb,21 ge sacrament entphangen vnd gestalt als Cristen lute zu gehort vnd billich solten das macht sie
 gutten mutt haben vnd qwam das sie dachten sie weren den vnge
 F220-004rb,22 leubigen starck gnug Der vorgeante was heubtman gemacht / des gantzen hauffen Der reit nu
 von rotten zu Rotten vnd sprach also zu yne myn sprach also zu yne myn vsse welten ritter vnd frunde vnsers herren
 Jhesu nit habent zwifels Dar vmb dar Irs folks so vil ist Die sache vnsers glau
 F220-004rb,23 bens von vnserm heeren cristo Der da spiset / funfftusent / mentschen von funff brode vnd von
 zweyn fyschen / als er die zyt gewalt hatt / also haut er sie noch hutbetage vnd sal vns geben sig vnd vbertthant / Der
 fiende der vngeubigen luten Das vn
 F220-004rb,24 ser eyner mocht wol Ir hun
 F220-004rb,25 dert vberkomen vnd ein jglicher faß hertz In sich selbs vnd habe kein angst / vnd slagent fry daruff
 mit / guttem hertzen ane sorge vnd sint hude zu tage from vnd bederbe lute das Ir den grosten lone vertienen müssen
 den mentschen hertze nit ver
 F220-004rb,26 dencken kan vnd verdrybent die faltschen ketzer die da gleu
 F220-004rb,27 bent / an dem tufel vnd fient / Der hellen der yne nit mach helffen noch zu staden stan so dure als
 vmb ein pennnyng Ir sollten nit zwiuel han sie sollent von stont / die flucht / geben wan ich sie wol be
 F220-004rb,28 kenne vnd me sie han helf
 F220-004rb,29 sen bestryten vnd erslagen son
 F220-004rb,30 der halb were dar zu zu thun Sie wurden alle erfrawet / vnd keg von den worten der vorgeant yne
 erzalt / vnd entworten wir loben vnseern schepper das wir dar zu sin komen vmb vnsern glauben stryten sollen wieder die
 fi
 F220-004rb,31 ende vnsers heeren vnd ha
 F220-004va,01 ben cleynen angst / Das wir verwonnen sollen werden DOmit liessen sie lauf
 F220-004va,02 fen die eyne vber die ander vnd wart das groste gekrisch vnd gesnore von den luten von den perden
 vnd von den besunen Das nyman gehoren konde / der stryt wart scharff vnd bese / Manich gut Ritter wart nyeder
 gestochen der nümer wieder vff ent
 F220-004va,03 stont Der stryt wert mit zu tercien zyt Das alle die bet
 F220-004va,04 talgen vnd hunde zu komen waren vff beyden syten Da hett man horen die swert er clingen vnd die
 helm erschel
 F220-004va,05 len vnd mit den swerten zur hauwen wie starck sie dar vor gemacht waren von den gutten meystern
 Das wart / also snellich zurtrennet / vnd zur foret / als man nit dar vff en echt / Der vorgeant nam sinen weg vorwert
 Durch den stryt zu keren was yme bege
 F220-004va,06 get oder zu qwam das slug er dar neder Er en hort vff noch en ruwet nicht sonder slag dar neder
 roß vnd man tot oder so geqwetzte das yme keins artzes not dett / nu was ein heyden geheysen ferra
 F220-004va,07 guy der hatte erslagen Des konigs elteste sone heern Johan Das großer schade was vnd Der stryt
 wart sorglich an allen syten Der konig Carbodon er sach das heer heinrich des konigs sone von engellant Rit
 F220-004va,08 terlich sochte mit den hey:
 F220-004va,09 Den synen luten Das Ir we
 F220-004va,10 nig vor yme sitzen blieben Er bekant wol das Is ein gros
 F220-004va,11 ser heer were an sinen wap

- F220-004va,12 pen die da schone vnd kost
 F220-004va,13 lich vnd herlich geziemert / waren Er hett ein starck kurtz swert / In der hant vnd was selbs ein
 vermessen gut
 F220-004va,14 ter ritter ließ zu yme lauffen vff einem großen Rosse was swartzer dan ein Rabe Vnd sprach lebet
 der lange er dott mit alle myn folk Er traff yne so hart vor an die brust / das er yme ein groß loch dar in hiewe Er wolt
 yne nit begeben vnd stach yme Das swert zu dem loch Ine des ko
 F220-004va,15 nigs sone so dieffe In den lip das er zu der erden must fallen als der da got wont was Er ließ yne
 lygen vnd fore fort ob des nit enwere Der vor
 F220-004va,16 genant kam Durch den stryt DER greffe ertzalt / yne wie Is gangen was mit dem greffen von desture
 vnd mit heern patricius wie die das lant behalten hetten das die lude nit verdrießen weren worden vnd der hey
 F220-004va,17 den konig hette sie laßen Im lande gleuben jglicher war er wolt / vnd hette dar vmb groß tribut
 genomen vnd wie heer pontus die zwene Inn der Cappellen funde vnd darnach wie sie den stryt vnd die stat gewonnen
 auch wie heer pontus sin mut
 F220-004va,18 ter funden hette vnd dar nach far erelich getront / were worden vnd vergaß eins worts nit Dar nach
 ertzalt er yne die verrederye Die geuelet an gefangen hett / vnd wie Is da mit were ge
 F220-004va,19 farn Das sich alle welt won
 F220-004va,20 dert / vnd sagt yne da wie groß gesellschaft yne konig pontus gethan vnd wie ere
 F220-004va,21 lich sie von yme gehalten weren worden vnd wie mit / grossen gaben er sie vnd die andern alle zu
 lande gewyst / vnd von yme gelaßen hette Das wonder were zu sagen von siner miltekeit vnd von siner gutten vor alle ko
 F220-004va,22 nigen die da lepton vff er
 F220-004va,23 den Do er yne das alles ertzalt / Da er die zwene konige die konigynne vnd Genery vff ein ende vnd
 sagt yne wie konig pontus sin globte halten wolt vnd In xv tagen Inn Engellant / komen sie zu gesehen vnd ob yne willen
 were So brecht er herren polidus sinen neuen den zu bestaden an sy
 F220-004va,24 ner dochter vnd der greffe rumet / da heern polidus vsser massen sere das er sinem ohyn wol nahe
 sluge Inn manchen weg vnd dar vff hette er den greffen von closester also by yme behalten mit yme zu bringen vff die zyt
 er yne vor benant hette Der konig fragt sere was Ritters heer po
 F220-004va,25 lidus were Er sagt yme da me dan vor wie er stoltz kune vnd schone were vnd sere eyn vermessener
 Ritter das man sinen glichen nit wist In der werlt ane konig pontus alleyn er glichet konig pontus gar sere sprach er dan
 der konig sin oheyn ist ein wenig grosser entruwen sprach der konig Konig pontus hatt mir also gethan was er begert mit
 den hinlich das ist mir lieb So verre Is myn dochter wil ge
 F220-004va,26 hengen Dan ich sehe doch wol das ich sins arts haben muß Dwile er mir nit selbs werden kont /
 Die dochter / knyewet vor den konig vnd sprach herre was Ir wollent das sall myn gut wille sin Dan wieder uch denck ich
 mich nit zu setzen In keynen weg vnd dunckt mich das zyme mir wol vnd eyne Jglichen kinde gegen syme vatter Die
 konigynne vnd der konig von Schotten lob
 F220-004va,27 ten den hinlich zu follen foren Der konig von schot
 F220-004va,28 ten sprach swaget Ir mus
 F220-004va,29 sent / uwer dochter geben eynem manne der Inn dem konigrich blibe wonende Gebent / Ir sie
 eyne grossen konig Der wil In sin lant / ziehen da mit were dis lant / entherett vnd must die lenge verderben vnd werde
 nit regert als dieser cronen geburt vnd nott / ist auch mogent Ir woll wyssen vnd dar vor han Dwile der konig pontus lebt
 / Das nyeman gegen diesem lande tarr orlongen oder krieg an fahen Ist is sache das Ir uwer Dochter syme neuen gebent
 Ir hant werlich ware sprach der konig Genery ducht In Irm herten Ist als sie sagent / so wolt ich das der himlich ytze zu
 gangen were Sie fragt die andern Ritter nach heern polidus yederman sagt das best von yme vnd lobten yne vssermassen
 sere so man me nach yme fragt / so er me gepryst wart von den Rittern allen / ye Da me wart er Ir lieber wol das sie
 yne nye gesehen hett / Sie hatte groß begurde dar zu das er komen wolt nu lassen wir Die rede von Ir blißen vnd sagenn
 von konig pontus vonn gallissen wie Is dem ging DER konig pontus qwan wieder zu Rennes Da er die heern vsser dem
 fremden vnd heymischen landen ghen geuerde ge
 F220-004va,30 leit vnd von yne geschei
 F220-004va,31 den was er ging zu messen vnd nach der messen saßen sie nyeder vnd aissen Vnd Inn dem essen
 sprach er zum konig vnd den an
 F220-004vb,01 dern gefell Is uch woll so wolt ich das man die frauwen vsser diesem lande zu hoffe laden dett /
 vnd das wir diesem greffen von closester liessen schauwen ob wir auch nit vil scho
 F220-004vb,02 ner frauwen Inn diesem lande hetten vnd mechten ein stechen dar zu Dan Inn diesen funfftzeh
 dagen muß ich Inn Engellant als ich gelobt / han zu dem konig nast dem ich ernstlich groß sache mit yme zu thun han
 Die noch heymelich gehal
 F220-004vb,03 ten sollen werden Das ge
 F220-004vb,04 felt mir sere wol sprach der alt / konig als datten die andern alsament So entphele ich Iglichem
 sprach der alte konig das er die schonst vnd die suberlichst Jungffrauwe bringe die er gehalten mag In diesem zehen tagen
 also schieden die Britaniger vßer dem hoffe vnd foren nach Irn Jungffrauwen vnd frau

F220-004vb,05 wen vnd brachten die alle vff den genanten dag als yne gezielt was worden zu Rennes konig pontus vnd der greffe von clostester ritten den frauwen entgegen vnd rantten vnd drieffen groß geselschafft / Er entphing die frauwen mit grossenn freuden Da worden die Ritter angethan zu stechen Der alte konig vnd die konigynne sin dochter gingen mit den frauwen vff die letschen an zu sehen wer das best dette von den Rittern den der dang dan geben solt werden Konig pontus sin neue polidus vnd der greffe von clostester Bern

F220-004vb,06 hart von Roches gerart von vitry Der heer von lanalle pir die vytre Ragier vonn Ronges andreis von dall die stachen wieder all komende vnd waren sie von den en

F220-004vb,07 bynnen Da bestonden sie freißlich zu Jostiern vnde wart sere herelichen gestoch

F220-004vb,08 en Konig pontus stach dar

F220-004vb,09 nedere pert vnd man was yme gegen qwam das dett er so vil das man nit mit yme Jostern wolt Er wart / sere von den frauwen ge

F220-004vb,10 lobt / vnd von allen den due yne sahen so lange ver

F220-004vb,11 lieben sie vff der banne daz die sone vnder ging Is wart gar wol gestochen vnd wert lange das zu vil zu ertzellen were Da der abent qwam da gingen sie essen man dienet yne mit kost

F220-004vb,12 licher spyse vnd mit dranck vnd sere richlich mit manch

F220-004vb,13 er hande gericht / Die spillute vnd heralt mach

F220-004vb,14 ten groß geruff vnd ge

F220-004vb,15 schrey das nyeman vor Ine gehoren konde Der pryß von den vssem wart ge

F220-004vb,16 ben dem herren von starcken berg der gar wol gestochen hette vnd hatt die silberm schale verdint konig pontus hatt den pryß von den en

F220-004vb,17 binnen Die Jungfrau

F220-004vb,18 wen santen yme ein krentz elin von blumen gemacht / von von schonen Rosen Da sie nu zu essen gesessen wa

F220-004vb,19 ren Da qwam greffroy von den zeichen andern vom thorn wilhelm von Roches vnd der greffe von manleon Die konig pontus hatte las

F220-004vb,20 sen holen mit Ime In En

F220-004vb,21 gellant / zu ziehen Dar vmb das die waren die stolzste Ritter die man finden kont / wolt er sie by yme hann Er gab yne von stont groß richliche gaben die sie sere zu danck namen Er was gene yne vff gestanden vnd hatte sie In sin armen genon

F220-004vb,22 men vnd bewyst yne recht / geselschafft / vnd sunderlich vil fruntlicher geberden Sie batten yne nyeder sitzen vnd sprachen Is geburt sich nit yne solich ere zu ertzeigen Des abents da sie von den essen vff gestanden waren Do sprach der heer von den zeichen Ir habent sonder vns gestochen vnd uwer kurtzwile gedrieben were is uch liep vnd das Ir ge

F220-004vb,23 fallen dar an hettent so wolten wir morn wieder uch alle stechen Das ist mir liep sprach der ko

F220-004vb,24 nig vnd Ir sollent zu ge

F220-004vb,25 sellen haben polidus my

F220-004vb,26 nen neuen vn den greffen von leon das uwer sehs sin Dan ich han woll verstanden das der greffe von leon zornig ist Das der nit von den enbynnen einer ist gewesten nu wil ich yme das hie mit ver

F220-004vb,27 bessern KONig pontus dett zu yme komen heern polidus vnd sagt yme mit / vnderscheit wie er Des morgens stechen solte Ir sehs wieder alle komende vnd wer den pryß von den vsersten gewonne dem solt man geben eynen assack vnd einen gurtell von der schonsten Jungffrauwen die zu hoffe weren Vnd der den pryß gewonne von den Innersten der solt haben ey

F220-004vb,28 nen kostlichen Rinck des mor

F220-004vb,29 gens hub sich das stechen vnd wert mit nach mittag Is wart vssemassen woll gestochen das alle werlt ver

F220-004vb,30 wondert / vnd were zu vil zu ertzellen wie Iglicher stach vnd wie vil dar neder ge

F220-004vb,31 rant worden Dan heer poli

F220-004vb,32 dus vnd heer griffroy gewon

F220-005ra,01 nen den pryß vnd den danck von den vssem vnd von den enbynnen Groß kurtzwile begonden sie den abent / mit an den morgen Da man messe gehort / vnd ein wenig In bitten waren Da nam konig pontus vrlep von syme sweger vnd von siner fußffrauwen der scho

F220-005ra,02 nen konigynne Sydonie vnd von allen den andern frauwen vnd Jungffrauwen Rittern vnd knechten mit / zu sant malo mit yme nit / dan funnfzig Ritter vssem Britanigen vnd die vier die ich vorgeannt / hann vnd sassen Inn ein schiff vnd forent zu En

F220-005ra,03 gellant wert Da sie vff das mere qwamen waren sie sere fro wann sie ge

F220-005ra,04 wonnen gutten wint das sie Inn kortzer stont zu lande segelten vnd vber qwamen Do nam Der greffe von clostester vrlop von yne vnd fore vor zu den konig von Engellant / yme die bottschaft zu bringen Das der konig pontus vber were vnd brecht mit yme heern po

F220-005ra,05 lidus Den brutgam als Ir vor gehort hant / Do er zu hoffe qwam Da ent
 F220-005ra,06 phyng er den greffen wol vnd er hatte sich auch vor dar zu gerust / sere kostlich wan yme der greffe
 von richemont / die erst / botschafft gethan hatt ge
 F220-005ra,07 habt / Der konig vonn Engellant / hatt thun bestellen so groß kost vnd richlicheit von alle der welt
 / vmb das er den konig pon
 F220-005ra,08 tus erelich vnd schone ent
 F220-005ra,09 phangen wolt alle die lantherren vnd lantfrauwen mocht man da gesehen Inn grossen eren vnd Inn
 groß
 F220-005ra,10 em state mienecklich vnd weydelichen ertzugt gar schone auch hatt er zu yme thun komen den ko
 F220-005ra,11 nig von schotten von Irlant vnd von kornowal vnd an
 F220-005ra,12 der vil grosse heern Der ich nit alle genennen mag was Is zu vil lang wur
 F220-005ra,13 de zu ertzellen Sie waren alle fro Das sie konig pon
 F220-005ra,14 tus solten sehen vnd hatten sonderlich groß freude dar Inn Der konig batt sie flyßlich Das sie konig
 pon
 F220-005ra,15 tus groß ere thun vnd son
 F220-005ra,16 derlicher tschier ertzeigen vnd bewysen solten wan sie vol wisten das durch yne alleyn vff erden das
 lant zu grossen freuden vnd eren komen vnd bracht were / mit gewalt deßhalb dads er heyden vnd Cristen betwongen
 hette dem lande von Engellant / zu staten vnd zu notze zu ewigen tagen Sie antwortten das sie das sere gern thun
 wolten wo mit das sie wusten yme ere zu thun vnd zu bewysen Dar an genugen oder gefallenn mocht han wolten sie sich
 keyn sache lassen ver
 F220-005ra,17 driessen nast Ir macht / DEr konig saß vff mit den andern ko
 F220-005ra,18 nigen fursten graffen vnd Rittern mit micheller zall vnd mancher hande spil
 F220-005ra,19 lute von tromppen basu
 F220-005ra,20 nern vnd taburye auch ander heydenscher piffen vnd so vil das da von nit zu sagen ist vnd reitt /
 heern pontus entgegen Da der konig von En
 F220-005ra,21 gellant by yne was komen stont er mit den andern zu fuß abe vond tratt zu konig pon
 F220-005ra,22 tus vnd entphing yne so schone vnd so erelich vnd so woll als ich wene ye frunt von dem andern
 entphan
 F220-005ra,23 gen wurde Der konig pon
 F220-005ra,24 tus der gar richlich vnd kostlich von perlin edelin ge
 F220-005ra,25 steins mit eyner guldin Cro
 F220-005ra,26 nen ertzugt vnd gewerterter waz vergalt yme das entphangen so hubselich vnd so wißelich das
 wonder da uon were zu sagen / sin Ritter mit polidus vnd andern Rittern . Vonn gallissen dar gefort vff funfftyg Ritter
 die waren getleit mit guldin stucken vnd kostlichem fuder Da nit von ist zu sagen vnd alle vff ein mayse vnd In eyner
 farben vnd Das was so ordentlich geordenert / mit mancher hande cleynot das sie drugen vnd freude
 F220-005ra,27 clich gestickt das In den lan
 F220-005ra,28 den sie sich musten verwon dern wie sie das kostliche wercke erzugen vnd das erdencken konden
 so freude
 F220-005ra,29 clich zu visieren vnd zu machen Do reit der ko
 F220-005ra,30 nig pontus zu der konig
 F220-005ra,31 ynnen Irer dochter vnd den andern frauwen alda were erst gesehen worden schone entphangen vnd
 frunt
 F220-005ra,32 lich wort gedeilt mit wer
 F220-005rb,01 dentlichen grussen das won
 F220-005rb,02 der dett / die Is sahen Die konigynne nam yne In sinen armen vnd sprach syst wil
 F220-005rb,03 komen du edeller vnd stoltz
 F220-005rb,04 er Ritter / vnd der best der ye schilt vmb hals gefasset / wie liebe ist mir gescheen das din sache so
 wol vnd zu eyne gutten ende ist komen / des ich got yemer wil danck sagen Dwile ich lebe Genery entphing yne Inn
 solicher massen als datten die frauwenn gemeynlich Iglicher nach Irm stade vnd werde wie sich das geburt vnd yne wol
 gezympt / Genery be
 F220-005rb,05 gunde vmb sich zu sehen vnd zu mircken vff den von dem Ir was gesagt / vnd vorbracht / worden
 So lan
 F220-005rb,06 ge sucht sie yne mit den au
 F220-005rb,07 gen das sie yne fant / vnd erkant By dem das sie yne gegen heern pontus hort mes
 F220-005rb,08 sen want er yme stont ene
 F220-005rb,09 lich mit vil stucken er must Ir wol gefallen nahst dem sie yne sach schone vnd wol geschuckt / von
 aller / geberden Docht getruwt / sie Ir nit so wol / sie fragt / den greffen von closerster / wellichs er were Er tzeygt / yne
 Ir vnd da was sie fro Das sie yne von vngeschicht / selbere vsserkoren vnd er kant hette Sie dacht Inn Irm hertzen Dwile

Ir konig pontus nit mocht werden so hett sie doch nit zu male gefelt / Das essen wart be
 F220-005rb,10 reit man ging zu dische sitzen Da wart kostlich gedient vnd zuchtlich vor
 F220-005rb,11 gedragen das Iglichen be
 F220-005rb,12 nuget Genery begonde zu verlangen das man nit / von Irn sachen begonde zu reden vnd das man Is
 also verzuge Sie ging zu Inn oheyn dem konig von schot
 F220-005rb,13 ten vnd sprach ich weiß nit wie diesem dinge ist / von den reden der greffe von Richemont / hait
 her zu hoffe bracht / Der ko
 F220-005rb,14 nig verstont sie wol vnd fing an zu lachen Er sprach hant Ir yne gese
 F220-005rb,15 hen wie wil er uch ge
 F220-005rb,16 fallen vff uweren eyt be
 F220-005rb,17 hagt er uch yt woll Sie antwort Ich wil alles das dar Inn thun das Ir vnd myn herre gebetent / Da
 by verstont er wol das er Ir befel In dem hertzen DER konig von schotten ging zu dem konig von Engellant / vnd sprach
 mich duchte güt das wir wusten von myns beßeluis sache vnd wie konig pontus das Inn synne were zu vol
 F220-005rb,18 lenden oder nit Ir habt wa
 F220-005rb,19 re antwort er Ich wil gan Inn myne kamer vnd ging von stont dar Inn vnd be
 F220-005rb,20 sant die andern konige vnd die herren von syme Rade Do sie zu yme qwamen Do sprach er myn
 lieber swager vnd Ir andern herren vnd Reette diß konigrichs Ir wyssent wol wie der greffe von Richemont / von konig
 pontus zu mir ist gesant vnd sinen neffen zu hin
 F220-005rb,21 lichen mit siner dochter nu sagen ich uch das dar vmb das ich alt vnd swach bin mich nume
 gewappen kan zu beschirmen myn lant oder zu erwerben das ob sich nott / geburt Ist is nu das ich myn dochter ge
 F220-005rb,22 be eyne grossen heern der selbs lant vnd lutte hait Der solt villicht lieber sin Inn dem lande da er
 her were dan hie Vnd ob sache geschee das diesem lande not wurde lyden So we
 F220-005rb,23 re der trost cleyne von eym vssem heern den Ir verre suchen musten / ee / sich der gestelt / uch zu
 beschirmen so were Is wol halber ver
 F220-005rb,24 lorn ob Is anders zu male nit verlorn wurden vnd ducht mich gut / Das myn dechter mit heern
 polidus berade wurde Der ist / menelich vnd wyse vnd verlieb by uch vnd hielt / uch zu samen Inn der wy
 F220-005rb,25 se das Ir nit vneyns dorff
 F220-005rb,26 ten werden vnd da mit / were das lant / auch zu nottorfft versorgt / als mich duchte mit dem Ritter
 wan mir der greffe von closer vnd auch von Richemont / vil guts von yme gesagt / vnd ertzalt / hait / Die heern vnd
 reet / begonden sich dar vff ent
 F220-005rb,27 synnen vnd bedencken In machherley weg vnd das zu messen nach des landes notze vnd eren vnd
 allgestalt vnd gelegen
 F220-005rb,28 heit der sachen das zu vil zu schriben neme / vnd nit not ist alles her zu setzen Dan so vil das sie
 eyndrechtig rieden mocht / yne heer poldius werden so were er zu nemen mit beyden henden deß halber Daß sonder
 zwüel were alle die zyt das konig pontus lebt / So endorffen sie numer me gesorgen daz da yeman were der vff sie orloget
 oder betriegt / nast / dem konig pontus so sere verfort / vnd so wol die zyt siner Jare er komen were das alle werlt yne
 muste schuwen want sin macht were groß vnd nit envollen zu achten were Dar zu sin wyßheit so follenkomen Inn allen
 gut
 F220-005rb,29 ten dogenden das yme nye man glichet In der werlt / Dem konig von schotten vnd von Kornowal
 wur
 F220-005rb,30 den entphollen das sie / mit dem konig von gallis
 F220-005rb,31 sen vnd von Brytanigen reden sollen vnd die sachen enden vnd yme mit sa
 F220-005rb,32 gen das der konig Die sache vmb sinen willen wolt willentlich lassen zu gan vnd sinen neffen siner
 dochter zu eyne elichen wibe geben alsus gingen sie zu dem konig pontus vnd sagten yme von wegen des konigs von
 Engellant / mit scho
 F220-005va,01 nen vnd gutlichen wor
 F220-005va,02 ten so wolt er geren yme zu eren den hinlich lassen bescheen da von der gref
 F220-005va,03 fe von closer Inn dem ersten hait begonnen zu reden von wegen siner dochter genery konig pon
 F220-005va,04 tus da er die reden ver
 F220-005va,05 stont / Danckt er dem konig zu male sere von der eren die sinen frunden durch yne geschee vnd
 yme vor dick vnd vil be
 F220-005va,06 wyst got als lange ließ le
 F220-005va,07 ben mit er Is vertienen mocht / von stont sonder langer beiten traden sie zu der konigynnen kamer
 vnd namen zu yne den bischoff von cantorbie vnd liessen sie globen als Inn dem lande siede was vnd gewonheit mit
 grossen freuden Sere fro was ge
 F220-005va,08 nery wan sie yne ließ hatt / vmd siner schonheit vnd auch vmb konig pontus willen den sie so sere
 liep gehabt vnd noch hatt heer polidus danckt vonserm heer got Inn syme hertzen Das er yme so vil eren vnd guts gethan
 vnd beschert hett Inn dieser welt / Er sach sin frauwe schone vnd von guttem gelaiß vnd gefele yme Inn allen sacheß-

wol ein dag wart benant vnlaug das er sie beslaffen solt zu der hochtzyt qwan macher stoltzer Ritter vnd manche schone frau

- F220-005va,09 we vnd der hoff wart / groß vnd starck von spill vnd von allen freuden des andern tags dar nach be
 F220-005va,10 stonde man zu stechen vnd zu Jostern mit starcken spern wan konig pontus wol nit lassen zu gan
 das man vff dem tage als er sie beslaffen stechen solt lassen das det er vmb des hertzen willen von Borgomen das der
 vff dem tage als er auch by
 F220-005va,11 lygen solde dot was ver
 F220-005va,12 lieben wer da des best / mit / dem spere det / vnd den meysten pryß gewonne das was der konig
 pontus Sunst were Ir vil zu er
 F220-005va,13 zellen von den andern heern die dan auch seer wol gestochen hetten Der von der zeichen Andreu
 vom thorn vnd die brytun hatten vil pryß In stech
 F220-005va,14 en erworben wan Is freiß
 F220-005va,15 elich jostuer waren Dan Is wert wol achttag an eynder vnd was so orden
 F220-005va,16 lich vnd so wol bestalt / von aller der werlt / In den hoffe die gantz zyt vß vnd vß mit aller
 ordinancien vnd andern sachen als sich gebort vnd dar zu gehort / das nyeman nit geclagen kont / nach der brulofft vnd
 die hochtzyt vergangen waz vff den fritag als man gessen hatte Da nam konig pon
 F220-005va,17 tus orlop von den konigen der konigynne vnd aller der herschafft / wie sie da waren aber groß not
 vnd arbeit hupsich Da er von genery orlop solt nemen ee die yne lassen wolt vmb Irs hußwirts willen sins neuen vnd Irn
 willen DER konig von Engel
 F220-005va,18 lant / vnd die heern der mereteyl geleiten yne eyner ferern weg Die frau
 F220-005va,19 wen waren alle mit konig Pontus vß gereden vnder wegen hette man vil sus
 F220-005va,20 ser wort vnd rede gehort / von Genery Wan sie / sprach zu konig pontus Ich han sere ließ heern
 polidus mynen heern vmb sins herren willen heer pontus vmd uern willen han ich yne heimlich lieb
 F220-005va,21 de an yne gelacht Doch hette ich lieber gehabt / die erste liebe die ich an uch gelacht vnd tru
 F220-005va,22 wentlich gehalten han gehabt / konig pontus lacht / sere gutlich vnd sprach Is ist kein vfsatz der
 den frau
 F220-005va,23 wen vfsatz vor gat / das weiß ich wol lange retten sie zu samen Dar nach gab er Ir vrlop vnd Ließ
 sie vmb keren mit großen pin vnd arbeit ffrauwe vnd myn bule sprach er zu genery Ich soll uch die
 F220-005va,24 nen vnd uwer Ritter sin alle dwile das ich leben vnd nit verlassen vmb was sache das ist vnd Ir mir
 zu wyssen thunt Sol ich vollbringen nach myner macht / vort / sprach er polidus zu vor siner frauwen syt hie myn neue /
 Ich wil das Ir uch liep hant / vnd das Ir heere polidus nerigent als groß liebe enhaben als an Ir wirt da enich gebrech Inn
 fonden frauwe das dunt mir zu wyssen Ich sol yne da von wil korgeren heere sprach er Ich wil thun als ein frome man
 billich soll Vnd gott muß Is so fugen antwort sie vnd schiet von yme mit grossem Jamer vnd weynen des vil alda geschach
 Der konig von schotten von Irlant / von kornowal vnd vil grosse heern wolten mit yme Ryten mit zu den schiffen Er wolt
 es yne aber nit ge
 F220-005va,25 staten vmd kein sache vnd batt sie vmb keren In den namen gots Sie namen vrlop / er fore zu dem
 mere vnd die andern wieder zu hoffe Da der konig pontus an die haben qwan Da nam er heern polidus sinen neuen vnd
 sprach also got sy gelopt vnd ir solt got billich da uon dank vnd grossen lop sagen Das Ir syt vff den wege zu werden eyner
 von den meysten konigen von der werlt / vnd der mechtigest vnd gewyn
 F220-005va,26 nent / ein schone konig
 F220-005va,27 rich Da vil gutter vnd grosser heern Inn gessen sin Is ist not das Ir uwer sache wißlich haltenn
 vnd wol regert / wollen Ir In freden wesen vnd leben mit uern landen Des ist nott das ir ein war
 F220-005va,28 hafftig man sint / vnd verlyben also das Ir vor allen dingen got liep hant / von allem uwer hertz
 F220-005va,29 en / sehent das Ir yme vn
 F220-005va,30 dertenig sint Ist das Ir yne liep habt er soll uch wol vff halten zu allen uern dingen hant yne liep
 vnd erent die heilige kirche vnd halt uwer gebott / Das soll der er dinst / sin den Ir got geben mussent Die andern lere ist
 das Ir gut / sollent thun den Ienen da Ir das groß gut von hant / Das ist das ir liep sollent han uwer hußfrauwen vatter
 vnd dem vnderthenig vnd zu willen sin von dem uch noch groß ere komen soll Sehent das Ir yme sint ein rechter sone
 vnd das Ir nit erzornt / vmb kein sache lydent vnd horent vil worte Ist sache das uch yt / anbracht wirt / vnd gesagt / die
 eine vmb uch zu behagen Die andern vmb flatterye oder von boßheiden Also lute wollen keynen frieden / han noch
 begern von uch vnd den Jhenen den sie be
 F220-005va,31 liegen Myn lieber neffe der woll last vnd lassent is al
 F220-005vb,01 les vbergan der soll verwin
 F220-005vb,02 den Das ist ein gnade von gott vnd von der welt / Dan nyeman mag der werlt zu vil dienen vnd
 gode Die dritte lere das Ir suß vnd milde wessen solt vnd vffen
 F220-005vb,03 hertz zu uwer Ritterschafft / nach uwer macht / Ist is sache das Ir yne nit milde mogent wessen
 wesent / yne mit / gutter geberde / ertzeiget yne susse syt vnd wort / also wol
 F220-005vb,04 den cleyen als den großen all glich gut ist der eyne als der ander Ist er groß von gebort / so

gewynnet er uch liep Ist der eyner cley

F220-005vb,05 ner gebort / so gewynnet er uch aber liep Er soll uch liep haben vmb das Ir yme gutterhande sint vnd gut / tschier bewysent / Er wirt / sin ein heralt zu loben vnd zu follenprysen uwer togent / wo er hin kompt / Inn die lant / Ir solt oitmudig wesen den cleynen vnd den grossen auch zu verstan das Ir me gutter hande vnd vndetenig sollent wesen uwerer frau

F220-005vb,06 wen Dan andern luten vber nutz vnd durch vil reden die ytze nit alle zu erzellen sin wan wir der tzyt nit han besonder Ir mit togenden zu ertzeigen Das ist vmb uwer eren willen Ir sollent / sie eren allewege want / sie sich mit uch geselt / hait / Ist is sach das ir Ir Frede vnd bose sint Sie mocht ent

F220-005vb,07 slan vnd gewynnen eynen andern lieber dan uch von der freuden die Ir dan von Ir haben solt / Die freude vnd frolicheit solt sie eyne andern thun Sie mochte nemen al solich behaben vor uch des ir see betrupt / solt werden vnd nit zu wenden were vnd das nit / verhutten konden noch ge

F220-005vb,08 keren nach uwerem willen Dar vmb ist groß sorge Inn der heiluge / ee / zu leben vnd wol zu verwaren Se

F220-005vb,09 hent auch das Ir Ir getru

F220-005vb,10 we sint / so als vnser lieber hergot sagt Inn dem hey

F220-005vb,11 ligen ewangelio / sehent das Ir sie nit en wesselent vmb yemants willen Das ist / zu sagen das Ir nyemant en gebent zu verstan eyne dinge als mit wercken dunt / ir also gott / sal uch vnd uwer gutt vermeren vnd geben uch all gut vnd ere Ist das Ir sie zornig sehent / machent sie zu freden mit gutten dogenden vnd wan sie weder guts muds wirt sie soll uch hertzlich liep han Is wart nye togent / bewyst noch gethan sie hat / ir lone entphangen wan sie aber zornig gemacht / werdent / mit spitzigen wor

F220-005vb,12 ten vnd mit schelten also das sie werwert werden sie soll geringe vnder einen listigen Rat / finden da vil boses von komen mag des sint gewarnet / Die vierte lere ist das Ir barmhertzig solt sin vber die armen vnd wan die armen komen vnd begeren rechts von den richen so beschent das Ir die armen nit vnder die fuß enttredent noch verdruckent / want Ir dar gesatzt sint / vmb die ar

F220-005vb,13 men zu beschuren vnd zu beschirmen vnd zu verwarn Gedenckt / Ir sint auch also nacket / In die werlt komen vnd geborn worden als die armen lute sin auch en solt / Ir nit me haben dan sieben fuß lang / als lang als Ir sint / glich den armen Dar vmb hant Ir die herlicheit vmd recht zu thun so wol Den armen als den Richen vmb kein gut / vnd noch vmb kein ding sollent Ir las

F220-005vb,14 sen entslan das recht zu verkeren Dan also hat vn

F220-005vb,15 ser heer got / gebotten In den zichen gebotten hornt auch besonder den ruff armer lute vnd den armen wytweinn macht Irs rechten nit vff

F220-005vb,16 schup oder verlegunge helf

F220-005vb,17 fen yne von stont / ob Ir Is mit lieb yt dun mogent vnd gleubent / nit uwer amptluten der sach Ir habt / Is dan selbs gehort / vnd verstanden vnd die war

F220-005vb,18 heit da von erfarn wand die rich lute suchen / all tzyt schade der armer lute Dar nach wysent / uch zu halten Dan wan sie sehent / das Ir Is zu lassent / gan Sie lassent / nit sie finden all die mit / vff satz vff die armen lute haß vnd nit werffen / also wer

F220-005vb,19 den Die armen lute ver

F220-005vb,20 stossen vnd verdruckt / mit snoden vnd bosen anbrin

F220-005vb,21 gen das sie den heern brin

F220-005vb,22 gen an sache die nye er dacht sin worden so als wol nuwelingen ist an

F220-005vb,23 bracht Ich nennen nye

F220-005vb,24 mans Dan so wir Rich vnd groß werden so kennen wir nyeman vnd wollen wir alle verderben vnd han vnd nemen das alles von den armen luten des wir gebruchen müssen Dar vmb ist zu male sorgveltig der grossen heern vnd der grossen frauwen so geringe zu gleuben Dar vmb bitt ich alle groß heern frauwen Ritter vnd knecht das sie nit geringe gleuben all sache die man yne kurtz anbringt / sie sollent von erst / die war

F220-005vb,25 heit dauon vnderfangen wie die sache hait gestalt / die sie von manchem wir det an bracht / an vnd zum dicksten nit vmb des kosten willen vnd zu erst woll verstan vnd entphinden das sie nit en liegen Dan so etlich wissen das Ir anbringen vor die lute komen solt / sie dorsten nit liegen vnd blibe mancherley verhalten HErre polidus danckt / syme neuen dem ko

F220-005vb,26 nig sere mit guttem hertzen der lere die er yne vnderwyst / vnd geben hette Myn lieber heere vnd oheyn sprach er ich danck uch dieser rede mit gantzem hertzen vnd weiß wol das ich nit also verre komen were als ich komen bin were das durch uch nit gedrieben vnd ge

F220-005vb,27 scheen durch uwer wyßheit vnd vollenkomende dogende Dar vmb bit ich uch durch got das wir eins sin vnd verlyben vnder vns beyden Is sol ab mir nit gebrechen wandt Ir sint all myn zu uerlaß Inn dieser welt vnd andern nyeman Is sol wol an mir sin sprach der edell pontus vnd auch verliben Ich hette Is anders so verre nit lassen komen Da sie der reden vil hatten vnd gedrieben Da nam Ir eyner vrlop von dem andern sie kosten sich sere guttelich vnd dett yne doch Ir hertze so we von Irm scheiden das sie nit zu samen me sprechen mochten von rechter liebe die

sie ein ander trugen da / sie mochten sprechen vnd Ir hertze erlichtet / wart / Da nam der konig pontus vrlop zu den Engelschen heern er bewese sich dar zu zu male wol heer polidus schret also von syme heern vnd vetter vnd qwam wie der zu hofte da er wol vnd sere erelich entphangen wart / mit grossen freuden vnd er behielt / syt der zyt / die lere sere wol Das yme der konig sin neffe zu letze gelassen vnd geben hette Er was ortmudich vnd dogentlich dem konig der konigynne vnd Iglichem nach syme stade das er sere gemynt vnd liep wart / Inn dem konigrich von den armen vnd von den Richen den cleynen vnd den grossen Er hatte got liep vnd die heylige kirche Den armen deilt er sin gut / vnd ließ yne nit gebrechen Der gut alte konig vnd die konigynne gewonnen heern polidus sere liep vnd wolten vngern das sie yne nit / gehabt / enhetten vnd hiel

F220-005vb,28 ten yne als were er Ir eygen kint gewesen Der konig sin sweger starp bynnen dem Iare da wart er ko

F220-005vb,29 nig vnd getront / In Engel

F220-005vb,30 lant vnd hielt / sin lant In freden vnd Inn gutten state Das er dem gantzen lande vnd nagebern liep vnd wert / wart / wir lassen nu die rede von yme vnd sagen von konig pontus DEr konig pontus qwan wieder Inn Britanigen sere wol wart er entphangen von Sydonie vnd den lantz heern vnd sere gutlich wa

F220-005vb,31 ren vff gehalten Da sie sehs tage by ein verlieben Da nam orlop greffroy vnd andreu vom thorn vnd die andern heern von dem Edeln heern pontus er gab yne . groß gabe vnd danckt yne sere fruntlich das sie sich so dickt / Inn syme dinst / liesen sehen vnd erkennen Er hatt sie vff genomen zu syme hofte vnd gesellen zu sin dwile sie lebten / er geleit sie mit mit In gene verde Is were yne liep oder leit / Da sie von yme waren gescheyden reit er wieder heym vnd lebt der alte ko

F220-006ra,01 nig von Britanigen dar nach nit dan dru Jare vnd starb von alter konig pon

F220-006ra,02 tus wart gecront Inn Brita

F220-006ra,03 nigen vnd wart sere wert / vnd liep gehalten Dan er dett yederman recht / so wol den armen als den Richen groß caritat dett er vnder den armen luten zu male groß ere datten sie zwey einander In dem eligen leben vnder yne wan er ergen von der statt da er ein zyt gewe

F220-006ra,04 sen was ziehen solt so ließ er vffruffen ob yeman von yme den synen amptluten oder andern vnbezalt were Der solt Is sahen den wolt er wol laßen vß richten vnd dett yne von stont be

F220-006ra,05 tzalen Dan dorecht ist / der Jener der so lange soll beyden Das die executores vnd die erben sollen betzalen Dan wenig wirt / betzalt / von den erben / betzalt man is nit by gesonden lybe wan die erben haben das gelt / Do gewynnen Die schuldener boße betzalunge Ein heyllich leben forten sie vnd wonten In gallis

F220-006ra,06 sen Da sie auch sere wert / gehalten worden Der greffe von destür sin oheyn danckt / yme sere das er sy

F220-006ra,07 nen sone so wol beraden vnd so erelichen geholffen hett konig pontus gab heern patricius vil lantz vnd herschafften Deß glichen heern herlandt vnd alle die syne gute frunde gewesen waren heer pa

F220-006ra,08 tricius wart herlich vor ge

F220-006ra,09 zogen Er hatte is wol ver

F220-006ra,10 dient / wan er den konig hatt erlost / Das lant Inn grossen eren gehalten groß ere bewyst Sydonie der al

F220-006ra,11 ten konigynne konig pontus mutter vnd er dett Ir sere dugentlich mit allen sachen konig pontus dett holen sinen Oheym den konig von arra

F220-006ra,12 gun vnd vil fremder Ritter

F220-006ra,13 schafft / die all dar qwamen zu dem hofte vnd hochtzyt er hatt begonen Er macht ein schones stechen vnd wart / von yme vnd den andern wol gejostert / Die hochtzyt wert xv tage Da das ein ende nam vnd von ein schie

F220-006ra,14 den da foren er vnd die konig ynne Ir gebiede zu sant Jacob Darnach qwam er iyspa

F220-006ra,15 nigen In ein orloge mit den heyden er fort mit yme da selbs hin alle die Ritterschafft / von Brytanigen vsser pouto vser an anjou vnd vß thonre vß normandy da

F220-006ra,16 was auch mit der greffe von montanig Der vrygreffe von doransches teson von pojappel mit den zu mechti

F220-006ra,17 gen luten / vsser normandy vnd anjo von schonenberg guy von laysel vnd vill ander herren von den an

F220-006ra,18 dern vom thorn wilhelm von steynrotsches vß hura

F220-006ra,19 pois vß anjorms vßer potu was der heer von den zeichen guy von tunars leouel von manleon enges von pante

F220-006ra,20 na vnd vil me vß porten

F220-006ra,21 mis vß thoron waß hubert / von mallige hudas von bansay : vnd vil me ander heern Das mereteyl von der Ritterschafft / was vßer Britanigen Da sie alle by ein waren mit den vß gas

F220-006ra,22 conyner waren / was Ir zu samen gerechent / lxm Sie zugen vff die heyden die vil sloß vnd stett In dem lande gewonnen hatten vnd wurden die sarrasinen alle erslagen mit hulff vnd Ratt / des hochgebornen konig pon

F220-006ra,23 tus Da kerten sie wieder zu lande Der konig betzalt / sie wol vnd gab yne dar zu groß gabe er wart

sere ge

- F220-006ra,24 lobt vnd sprachen gemeyne
 F220-006ra,25 lich er were wirdich all Cris
 F220-006ra,26 tenheit vnder yme zu haben Er solt wol alle heyden ver
 F220-006ra,27 jagen vnd verdryben Das yme alle welt vnderthenig wurde ob er wolt anders were daran kein
 gebrechen zu male sere wart er gelopt von den fremden vnd von den heimschen sin miltekeyt / vnd sin togent vnd sin ge
 F220-006ra,28 selschafft die er yne bewyst vnd ertzeig hatte konnen sie nit en follen loben ob won
 F220-006ra,29 der da von gesagen vnd sprachen er hat den kern der togent / Sin sieden vnd sin gewyß ist vsser der
 acht vnd nit zu messen nach der welt / vnd nach dem geist
 F220-006ra,30 lichen state jglichs zu sinre zyt vnd zu syme werde Sie sprachen er hait got vil zu dancken von sinre
 schon
 F220-006ra,31 heit vnd von sinen aben
 F220-006ra,32 turen das sie so wol vnd gluglich ende nemen vnd zu allem gut keren Is were nit zu schriben der
 lob er yme geben wart / er was sin auch wol wert er wo
 F220-006rb,01 net gut zyt In gallissen Dar nach qwam er wieder In Britanigen wonende Dar nach zoch er mit der
 konig ynne Inn Engellant / zu ko
 F220-006rb,02 nig polidus syme neffen / sere vnd vber erelich wart er von yne allen entphangen vnd mit grossen
 freuden nyeman darff fragen ob genery fro were ja vber fro das nit zu sagen ist / Dar nach qwam konig po
 F220-006rb,03 lidus von Engellant / gene Britanigen vnd Inn gassconye sinen vatter zu vysenteren vnd sin frunde
 Er gab yne groß gabe vnf giff / Das er sere gepriesen wart / von den grossen gaben die er hin
 F220-006rb,04 weg gab menlich Da zog er wieder Inn Britanigen da yme vil eren geschach / vnd da er ein wyse da
 was ge
 F220-006rb,05 wesen Da zoch er wieder In sin konigreich von Engellant / DEr gut konig pontus vnd die gut
 konigyn
 F220-006rb,06 ne Sydonie lebten lange nach Irs hertzen willen vnd dienten vnserm heere got / sere Inneclich das
 sie Inn grossen eren vnd stade ge